



09972

范文忠集卷一

明范景文著

起廢緣繇疏



題爲開讀事文選司案呈到部伏讀恩詔一款一建言廢棄并曠稅誑誤諸臣已奉遺詔酌量起用其有事關國本抗言得罪降斥謫戍永錮沒身者吏部作速查開職名分別奏請召用卹錄欽此夫廢籍諸臣放棄數十年自分已斷溝中無復雲霄之望矣明綸一頒巖穴生色亦諸臣殊遭熙朝盛事也臣部仰奉明詔一朝盡用此百餘人豈非至願而敢有後言但諸臣窮巖沈晦姓名常不時聞黃髮老成存亡亦難具晰倘以旣朽之骨復點啟事大典爲之不光或以未當之舉啟疑宸衷德音因而中格則臣之所大懼也用是再三躊躇遵明旨除事關國本抗言得罪者查開職名不乾坤正氣集卷三百辛八

考選科道職名疏

題爲開讀事萬曆四十八年七月二十三日伏讀大行皇帝遺詔內開兩次考選并散館科道俱令授職欽此又查本年二月內本部題爲目前急宜疏通候命諸臣爲第一義萬乞卽賜俞允事奉聖旨是欽此本年七月該本部文選司題爲從古無八年久候之臣等因奉聖旨考選散館各官已遵遺詔補用吏部知道欽此夫以窮年累月所仰望而不得者一朝立爲疏通以千言萬語所籲

請而不得者一旨最爲明白諸臣業已連茹而升臣部無庸補牘以請矣但周朝瑞等職名履歷前疏未備謹載開具上覽伏祈聖鑒

卹用建儲被廢諸臣緣繇疏

題爲開讀事文選司案呈到部爲照伏讀詔書內一欵建言廢棄并礦稅誣誤諸臣已奉遺詔酌量起用其有事關國本抗言得罪降黜謫戍承鋼沒身者吏部作速查開職名分別奏請召用卹錄欽此夫建言諸臣而中有事關國本者或叩清闈或忤時宰或引義而廷諍或因人而株連皆成先帝之令德厯宗社之遠慮者也雖宸衷有主未忍言夾日之功而犯顏不避何可沒違天之力當其慷慨發言計不反顧時豈知有今日哉而一斥長廿九死不悔其忠悃良可念也先帝神明不測用意淵深陰採其言以鞏萬年乾坤正氣集卷三百五十八

二

起原任戶部主事鹿善繼疏

爲計曹念在急公舉朝望切宥過伏祈聖慈免除以惜人才以光新政事文選清吏司案呈爲照原任戶部河南清吏司主事鹿善繼公忠不貳足稱社稷之臣沉毅有爲卓爲名教之主持節可堅百折籌餉特見一斑相應請復原職案呈到部爲照鹿善繼之被謫也以畱籍金花而其畱籍金花也以需餉急于然眉措餉窮于

露肘聊出此不得已之計耳夫不惜一官以收潰散之軍心以存破殘之疆土以宣上德意而垂萬世之令名有臣若此正宜破格獎拔用示風勵而反蒙譴降人其謂之何先帝神明天縱豈見不及此勿亦以蠲濟之名不出自上權宜之法徑行自下姑假此以警後來而重朝廷乎臣部遵旨擬降朝廷之權已伸而今已遵矣疏上而不報可益見原無成心姑畱以待庸後或者別有深意是未可知也日見皇上慨發內帑二百萬犒邊海內外無不仰頌我明后舉動非常夫在內者尚可出之而宏大賚在外者何不可蠲之以濟急需若鹿善繼者想亦聖明之所欲急宥也伏祈勅下免其降級照舊復職邊士聞之必將曰國家未嘗忘我而斷不解體廷臣見之必將曰國家不肯負人而莫不盡心非特爲一人之官而已也

乾坤正氣集

卷三百零八

三

陞原任御史劉光復疏

題爲懇臣効忠可嘉明主錄用難緩伏祈起陞以宏先德事文選清吏司案呈到部爲照劉光復旣以言獲罪矣彼其赤忠欲灑臣取其心犯顏不避臣取其氣而孝慈之語奉揚休美亦舉朝所共欲言者不聞有大罪也或但罪其高聲越次耳然覆盆五載已寓磨勵之微權而釋繫一朝彌見浩蕩之德意若竟其所爲必能殫竭忠猷報答聖明一以教臣下之忠一以明聖主之孝一以廣先帝之仁一舉而三善備焉伏祈勅下起陞光祿寺寺丞在本官感恩而圖報在諸臣聞風而作忠亦風勵一大機括也

鴻臚正卿改用甲科疏

爲臨御方新朝儀當肅鴻臚正卿改用甲科以復祖制事文選清吏司案呈照得鴻臚寺正卿自王用賢察處以後員缺已四年矣

先後建言諸臣皆議宜用甲科此非無據也查得萬曆元年十一月鴻臚寺缺正卿該本部覆准正卿仍用進士其別途出身者歷俸年深但陞服俸官至左少卿而止此載在職掌班班可考者嘗有屠義英以嘉靖丙辰進士由太僕寺少卿改鴻臚正卿此卽先帝初年事也後失其制槩用別途固以其禮度之素嫻耳然家起貲卽以廁九列之班己自不雅卽儀習綿蕞以示百僚之瞻必且不光雖資格不可局人而典章自可還舊今南鴻臚卿余啟元現用甲科何獨于北而反不然合行亟請案呈到部爲照聖主御極中外具瞻漢官之儀復見于今矣然肅朝常于九重宣法儀于百辟則鴻臚實司其事而可復以他途混乎若用甲科則揚眉于濟蹕之列而該寺重樹義于殿陛之間而朝廷尊所關亦自不細也旣經該司備呈前來相應催請祈敕下臣部除該寺左右少卿仍

乾坤正氣集

卷三百五十九

四

用別途聽其理熟資深止加服俸正卿一缺務擇中外清望甲科以充斯任庶儀觀整肅典禮昭明亦維新中一事也未敢擅便謹題請旨

救吏科給事中周朝瑞免降疏

題爲愚忠可鑒聖度宜宏祈恩免降以作敢言之氣事文選清吏司案呈到部臣等伏讀聖諭內閣朕昨覽文書見有疏陳事周朝瑞條議仰獻慎初三要內停止金花銀兩朕卽位之初言路方開礦稅已撤如何擅行瀆擾此項銀兩原係舊制進內以備萬壽聖節等并典禮等項及各官賞賜武職軍官俸糧之用難以停減周朝瑞這廝要譽妄言本當拿問朕哀思皇考妣梓宮在殯姑從輕降一級調外任用卿可傳示該部這銀兩還遵照舊規行特諭卿知欽此隨該內閣大學士方揭帖奉聖旨覽卿所奏朕已悉

知周朝瑞這厮不諳事體逞臆妄言擅行議減內庫金花阻絕國
用好生可惡周朝瑞已有旨了卿不必申救該部知道欽此欽遵
竊念周朝瑞忤觸宸衷夫何敢言臣部仰遵明旨又何敢言但周
朝瑞職居言路遭際明時未忍自負以負主上慷慨發舒故不覺
慮之過語之懇耳至所條奏畱停金花以寬民力而光上德酌祖
制而裕國儲亦忠于皇上之職分也乃皇上罪以要譽妄言夫主
聖臣直名在皇上下亦何譽之可要若因此而罪之則適成其名
耳夫當容言之時而有拒言之事恐未免爲聖德累也日見皇上
用人行政下如流水舉朝相慶皆謂袞職不闕禱救無事臣工此
時止宜將順德意儼方跋大渙王居不殖貨利已明知上意所嚮
矣正所謂善將順者而何深罪乎雷霆一震已惕不惻之威露雨
已施彌彰宥宥之度知聖德如天諒必虛此也伏祈聖慈免其降
乾坤正氣集 卷三十五 八

五

謫照舊供職使下有犯顏敢諫之士足見盛世之有人使上有刻
印銷印之舉愈覘聖心之無我其所裨益豈渺小者哉

總催大僚考選疏

國家正當全盛朝寧漸見空虛懇祈聖明立允會推考選以備任
使以勤治理事文選司案呈到部爲照大僚國之股肱無股肱何
所倚毗言官國之耳目無耳目何由聰明故有馮有翼有孝有德
盛世所以興隆也衰世廷無人焉有人不用自淪于無耳今部院
見止五六員科道見止十數員可謂無人之極矣啟事煩煩不蒙
報可豈以臣部補牘皆爲人求官耶卽爲人求官亦以酬庸而爲
官求人乃以集事皇上何疑臣下之深也積疑成厭旣有人不用
而積厭成睽究且欲用無人是以致所患者官無其人耳人無官
則何患焉獨不見夫避難規便者以無官爲幸乎悠悠之口皆爲

皇上吝惜爵祿然此爵祿在人主借以神其鼓舞在臣下借以効其功名使利吝不與上失鼓舞之權下無功名之地土亦安往而不貧賤者而人主將與誰共治天下乎諸疏現在御前惟皇上留意立賜俞允師濟之盛卽在目前助勦之效可收異日矣

催大僚疏

爲九列多缺時事可慮懇祈聖明速賜簡用以保治安事文選司案呈到部爲照國家稽古建官之制政分六曹有長以提領掣綱有貳以分猷佐理意至深遠也無事之時得人以勦郵隆多艱之時得人以挽否運而缺人廢事從來久矣皇上試觀近日各部院之官缺耶不缺耶近日各部院之事廢耶不廢耶綜覈之朝事聽其廢弛師濟之世人任其空虛所悞者誰之政務所摧者誰之才賢則皇上自爲社稷計者左也今刑部缺尙書臣部戶部兵部缺乾坤正氣集卷三十一
六
左侍郎而工部都察院則三堂全缺南京戶部禮部兵部俱缺尙書都察院缺左都會推各官諸疏現在御前惟祈聖明立賜俞允施行

催起廢疏

爲起廢原奉特恩俞用難容終靳伏祈渙發以完盛典以維泰運事文選清吏司案呈到部爲照起廢一節臣部言之非臣部亦言之章滿公車無慮數十上矣而比年以來未見起用一人悠悠之口皆謂皇上有意禁錮諸臣也者臣伏讀四十一年三月日詔書云云欽此欽遵十行一下中外動色使當是時仰奉成命漸次敘錄煥巖穴之光示綸綍之重豈不休哉乃復更端請旨遂致中格夫煌煌慈詔臣民奉之千萬世垂之可不是遵是依而更于何取旨耶德意原自浩蕩臣部自失奉行罪復何言今日者明布臣部

之失于天下亦惟成恩詔之信耳然臣又反覆思之開讀方新原不必于覆請時日既久世又難于徑行浩蕩德意亦求皇上自始終之而已蓋諸臣之被放也明主豈真有畢世之怒勿亦惡其自爲名而以老其才沉其氣乎而困衡磨礪遠者二三十年近者亦十餘年其才已老氣已沉矣使其竭忠盡節必能爲國家擔大事定大難而不憾始也惟皇上成之終也惟皇上用之既已用之矣名于何有惟不用乃有其名耳何也請臣或慮國本或抗稅監大率事而獲罪者十一言而獲罪者十九吐耿懷亮言而有效適昭主德之燉憂盛危明幸而不驗彌見宗社之福一旦賜環聯翩以起在諸臣止見不測之恩在舉朝止見有容之度有如用其言收其效矣猶令遺逸抑厄不展使追論者舉其遺事曰某某爲建儲某某爲罷稅某某爲一事註誤而不蒙解網日在人口實間毋乃

乾坤正氣集

卷言辛八

七

爲聖德累乎舜孝五十而慕千古爲昭明詔所及薄海無不傳誦而獨遺于林莽之英彼不知者謂聖明固有成心渙綸亦可反汗臣深爲皇上惜此名也爲此不避忌諱容臣遵前恩詔陸續列銜題補如是則皇上錫類之孝彌宏而微臣以人事君之責少塞矣

總催考選疏

爲考選原係典章空虛大失政體懇祈聖明總俞兩咨考選以復祖制以慰人心事文選清吏司案呈爲照官以言名原以用其言非徒用其人也今考選不下而題差差又不下而九年久候三咨并壅若有意于厭絕言官也者從來大奸惡大刑獄孰不賴其廓清而奸人猶有所畏而不致逞言亦何負于國而必欲厭絕之也況欲禁其言先錮其人皇上以爲言可禁乎哉防川而潰日後之決裂必多欲挫其人先惜其官以爲人可挫乎哉守株而待正氣

之屈抑必甚皇上即欲厭絕之不能矣徒彰此名于天下耳城門開言路閉宋人舉以爲諱而今當城門將閉之日言路猶復不開則有心者之所深恐也用敢不避煩瑣補牘上請伏祈聖明省覽速將癸丑丙辰兩咨考選周朝瑞等立賜允用不特暢七八年久鬱之人情亦所以存二百餘年相傳之典制矣

催丙辰一咨考選疏

爲題差原非初制考選早宜允行伏祈聖明速俞丙辰一咨以復舊章事文選清吏司案呈到部爲照考選之法先年每歲一取或間歲一取無有數歲不選逾時不下者自行取變爲留部已失初意矣考選變爲題差而考選之意失題差有下有不下而題差之意亦失失非聖世之所宜有而亦非明主所樂居也皇上念念法祖制事事循舊章豈獨于考選一事而疑之今丙辰一咨現在待乾坤正氣集卷三言六八

命若一時盡下連茹同升在諸臣免于守候壯敢言之氣鼓任事之心一便也在皇上免于批答明宸衷之斷昭主權之尊一便也而在臣部亦止有將順有奉行而免于催請其便不亦大哉惟聖明其圖利之

催癸丑一咨考選疏

爲敬循職掌懇祈聖明速俞癸丑一咨考選諸臣以濟缺乏以光聖治事文選清吏司案呈爲照臣以職在用人而用人大者無過考選今癸丑一咨候命已八年矣其時不爲不久差用已二十餘人矣其局不可不先後催請幾于舌敝頰禿而天聽彌高不見省悟夫以臣部考選而使諸臣交章其催之猶然不盡下亦臣之罪也皇上豈直欲奪臣部之職掌耶今見在候命者科止十二員道止四十三員聖明舉動往往初時持之甚堅臨時應之當可

將勿欲畱此盡下于臣部以存一織之職掌未可知也伏祈皇上將癸丑一咨卽時盡賜俞允臣部有詞于人皇上有詞于臣部豈止濟萬分之缺乏而已哉

催補京堂疏

爲京堂懸缺甚多積滯難疏懇祈聖明卽賜點用以襄化理事文選司案呈到部爲照國家之用人也雖以採望亦以循資而所推擇爲京堂者非望之隆而資之深者不與焉改彬彬有人可以爲卿貳可以爲鎮撫無難濟前路之窮寥寥無人一壅于臺省再壅于藩臬益成後來之滯今某推某某推某或展采于方面或攄猷于卽曹或蜚聲于言路幾經咨詢而後有此推固其應得之物而未始逾涯也今乃屢推不報旣目以爲賢而反歷久不轉他人無相觀相勸之思倘時值其窮不免躡級而升本人有踰尊踰戚之

乾坤正氣集

卷三十五

九

懼壞典章而鬱人情無一可者各本現在御前伏祈盡賜允用不第酬前勞亦以儲大用則聖明之所自爲社稷計者也

總催兩咨考選疏

爲臺省候命彌久得旨甚艱懇祈聖明速賜俞用以充班行之空虛以存臣部之職掌事文選司案呈國家之有臺省非徒廣聰明之用亦所以實法從之班今候命之官多于被命在差之人多于在朝烏臺青瑣寥落不充人皆曰皇上不用言官也者然科臣有時命之翦桐矣按臣有時命之持斧矣是諸臣未嘗不用而用人之權反不操于朝廷是皇上亦未嘗不用諸臣而不用人之聲獨傳于天下誰司銓衡而令至是諸臣之不得其言臣部之不得其職皇上用人而不得其名皆自臣部貽之臣對諸臣何以爲顏對天下何以爲詞而自對亦何以爲心耶用是不憚煩煩補牘上請

伏祈聖明將癸丑丙辰盡賜允用塞極必通壅極必舒望之皇上明以得直忠以見良望之諸臣老臣惓惓之忠蓋此矣

總催兩咨考選疏

爲耳目萬不可壅臺省萬不可廢懇祈聖明速下考選諸臣以釋羣疑以光至治事文選司案呈爲照言之益于人國也大矣故昔之聽言者詢及芻蕘得言尙不必專官豈專官而反使不得言者卽昔之拒言者斥及仗馬亦待其有言而後驅之豈防其有言而豫折之者以致清華爲蔽鋼之地省臺若閑住之官多年候命者俟同河清大言叫聞者難同轉石如此景象非特盛世之所無而亦衰世之所未嘗有也臣反覆思之皇上亦時嘗用其言矣用之而效事急亦用其人矣用之而效陰採其言而顯抑其身此有所俞而彼有所禁外議紛紜交相猜度皇上何以解于人輔臣催考乾坤正氣集卷三十五九

十

選之揚無數日不上矣皇上允考選之冒經九載不下矣皇上不答輔臣之請以致輔臣無以副中外之望外議紛紜妄爲猜度輔臣何以解于人考選臣部之事而題不見報考選不下臣部之責而催不見報尋常陞除豈足報主疏牘煩瀆愧未回天卽未有以此咎臣者而臣部又何以解于人臣愧而懼懼而疑真不得其故也然所望皇上自成其斷者在宸衷之一轉而令臣等并免于戾者亦在上意之一決耳伏祈聖明卽將癸丑丙辰兩咨考選科道諸臣立賜允用

總催三法司疏

爲法署全空國紀盡解伏祈黜用以肅久玩以振積弛事文選司案呈到部爲照國家設立刑部以職掌刑名都察院以總持風紀而訟獄平反則歸之大理寺曰三法司祖宗創制良有深意以人

主所以治天下者法也無法則不治無人則無法一有不可者而今則一時并缺矣刑部都察院止有張問達一人署理而大理寺并署印之人無之一切積案孳者誰允疑者誰駁勘理者誰爲轉行無乃法幾頓乎蓋人之所以敢于軌法者窺人君有輕法之意也上自輕其法不可言也下共輕上之法益不可言也勢必至裂防潰繩而不可收拾皇上吝惜爵祿固忍于愛官而慮防銜竊亦忍于廢法耶臣竊見年來皇上深宮靜攝中外肅然祇憑此法以維持其間而以無人之故坐致廢弛臣之憂將不知所届也臣謹將前後推過職名另本開列伏祈聖明慨賜允用庶持法有人持天下有法於以整齊海宇裕如矣

催司官疏

爲司官多缺部事易廢伏祈欽點以重銓政事文選司案呈到部
乾坤正氣集 卷三百五十八

十一

爲照臣部司官其推擇也省各一人必如是方可詢各省之事也其填補也司各數人必如是方可辦各司之事也其序遷也司各數月而後轉一司必如是方可了各司之事也惟備則久惟久則習惟習則能辦官而不爲吏所勝今除未推與推而未下下而未到者其缺七人矣缺則列署而治者事不得不兼俟彼俟此苦事權之無歸畫方畫圓虞精力之難繼不便也缺則拾級而登者轉不得不速規格之相承到手未易周知條畫之自我徹底又難究竟不便也官方易淆吏弊易滋實在于茲臣方率諸司加意澄敘精心釐剔而乏人廢務先自臣衙門始目前將有中斷之脈轉盼并無代庖之人誰爲參統鈞以佐聖天子平明之治哉臣謹將職名開列上請伏祈欽點容臣填補司分再行具本題知促令到任管事庶可佐辦官之治無廢事之憂矣

爲首垣空署發憑無人懇祈速充散館之臣以濟急需事文選司案呈到部爲照六科與六曹相關而吏科則與臣部爲表裏者也故事章奏奉旨下科看詳事所不可則爲參駁事所當行然後發抄非徒重王言亦所以防奸蔽也頃自張延登請告行後印信塵封將半年矣看詳何人封駁何人發抄又何人也夫無該科則事廢臣部卽欲舉之不能也若徑從停閣所悞在政務稍爲權宜所亂在典章至畫憑一事又停閣不可而權宜不能者奈何其勿念之也今姚宗文閱視未竣而候命之暴謙貞誠不可旦夕緩者伏祈勅命卽日到任署掌印信則首垣增重銓務立通非止免選人之守候而已也

催太僕寺少卿疏

乾坤正氣集

卷三百五八

三

爲軍興正亟問政爲先懇祈點用寺臣以圖共濟事文選司案呈到部國之大事曰戎馬今戎事日飭馬其所亟需矣然誰司厩牧則二三寺臣也今所推王象恒馮嘉會政旦夕望下以資分理而屢推不報皇上將以爲可缺哉彼其事有專隸一人缺則一事廢也法因人立缺愈久則廢愈多矣獨不見近事乎遣官欲行市賣金錢之拽難繼贖罪是亦權宜三尺之法不明有人不用事急而苟且若此爲計不亦左耶伏祈聖明于二臣早賜點用使以乘騁之夙望策簡乘之新猷必大有裨矣

催大理寺疏

爲棘司空署所允見推之臣以重法紀事文選司案呈到部爲照刑者天下之本也必持平有人而後其刑不忒三尺之法足以取信于天下大理寺固持平之司也今三堂併缺庭中鞠爲茂草矣

凡待讞決者待平反者不知其幾而徒以棘司無人有罪者爰書未定冀幸于脫網無辜者縱釋無因拊心于罹羅長繫圍扉天日莫睹今當外患內訌之日而使輦轂之下有嗟怨而不得舒抑鬱而不得寧者非完策也卽如矜卹一事皇上行之四十八年不廢而亦以題差無人致逾常期矣竊見聖上每歲停刑豈非好生至德然停每歲不宜停之刑未足見皇恩之浩蕩而廢五載不宜廢之典反以啟普天之憂疑言念及此皇上仁覆天下之恩必油然而動而俞用寺臣當不待臣言之畢矣伏祈立賜點用施行

矢心入告嚴杜請託疏

伏念臣行能淺薄無足比數一壑自甘久已無志用世矣猥蒙聖恩不棄起之田間俾以典劇自揣病軀綿力重任難勝兩次具呈堂官求爲代題而嚴旨赫然立催受事臣卽沉疴委頓何敢再爲

乾坤正氣集

卷言序八

三

偃蹇以緩王程且當聖明勵精求治德意甚盛臣以妄思澄清銓序有以上禪聖治萬一則臣區區私願也今天下仕路混濁極矣圖職業之念不勝其圖榮進之念愛名節之心不勝其愛富貴之心舉國如狂嗜進如鶩每怪古今同此人也何遂茅靡瀾翻一旦至此勿亦衡鑑之地先自不清巧營者一歲數遷拙守者幾年不調顧天下中人多耳此實教之使競而欲其恬淡寡營詎可得乎臣卽不肖不願使奔競之風自臣身始竊念除者有歲格其久近不得而私也遷者有資勞其深淺不得而私也特擢者有績望其高下不得而私也一人欲私不可得卽欲私一人亦不可得斯不亦明問畫一與天下可共循乎若不論三者更于何論其由別徑不問可知將何顏以對天下且年來舞文玩法吏弊叢生幾不可問矣今欲直窮到底一清穴窟而自已先有拖帶打疊不淨官長

作事最難欺者左右對此輩又何以爲顏臣今與需次諸臣約一行請託臣不能爲之諱臣又與同事諸臣約一行請託亦願諸臣勿爲臣等諱選人如林鱗集都下臣不能以一人障其目而箝其口也明矣且臣非故爲矯飾不情也誰無交知誰無情面臣亦豈與人異惟是自反生平不慣俯仰一意報國先在不私寧忘交知破情面而必不敢負君父以負此心耳天地人材爲天地惜之朝廷名器爲朝廷守之天下萬世是非公論與天下萬世共之人還其人我無失我此臣心之可自信者而四方之人恐未必信臣之素夤緣熟徑入人膏肓不有以力砥之而競逐無已廉恥風微其爲世道安所終也臣故預揭癡腸苦心道破無非欲天下各圖其職業各愛其名節恬淡寡營其偕于大道豈曰小補之哉欲爲成人之道似無先此除銓政大端稟臣堂官次第上請而夙昔盟心

乾坤正氣集

卷三

十四

首以入告伏祈天語叮咛庶無隕越臣無任激切待命之至

覆楚省學道歸并疏

爲學政一權兩操楚十分黨鼓譟懇復舊制以安地方以端士習以光大典事文選清吏司案呈天啟五年二月十三日奉本部送吏科抄出兵科等衙門給事中等官王鳴玉等題將荆岳諸府歸併武漢學道兼攝等因正月二十七日奉聖旨該部酌議具覆欽此欽遵抄出到部送司相應題覆案呈到部看得各省止一學臣而并設則自楚始卽楚原亦止一學臣而添設則自戊午始其初或以全楚幅幘延袤二千餘里道遠考試有所難周人多約束有所不及故並建兩憲臣以督課之但初在分轄以專成不虞畫域而多事天下事一則專二則紛從來然矣如辛酉甲子鼓譟者再見士競立黨勢類揭竿雖兩道臣同寅協恭祖不分子左右而諸

士分門割戶禍每釀于二三若不早復舊規勢必以械撲薪樵之地爲韞韞介冑之場如科臣所慮率舊無愆紛更多擾此其一也合無將荆岳諸府併歸武漢學道定限三年完歲科兩考方與陞轉其荆岳一道永免銓補庶遲之歲月兩試可以畢完一厥事權學政不致分裂既經具疏前來相應覆請恭候命下行令該省撫按一體欽遵查照施行

請廣添註京堂疏

題爲奉旨查議添註以通仕路以廣皇仁事文選清吏司案呈奉本部送吏科抄出大學士顧秉謙朱延禧魏廣微題稱今早文書官李守質陳國寧發下郭興言一本上傳考選添註著遵前旨行夫考選奉旨遵限四十名矣惟添註一法則臣等竊有請焉前于天啟四年十月內停止添註蓋爲起廢諸臣充塞京堂不得不爲

乾坤正氣集

卷三十五

五

之限制也若歲轉皆待實缺則十年不得一轉此事勢之必不可行者也伏望皇上姑容照舊添註以通陞轉之窮但不許徇情濫轉如近日七八人之多庶于通變之中猶存限制之意耳等因奉聖旨朕覽卿等奏臺省吏部三衙門于二八月例有歲轉祖宗朝皆有添註但邇年徇情濫轉甚無限制自今以後允卿等所請每歲科中止陞二人道中止陞四人吏部司官止陞二人其科中閭轉道中邊功勞深俱各停止吏部知道欽此欽遵抄出到部送司案呈到部看得京堂近來濫觴已極明旨槩罷添註真是慎重至意而限制之中仍示變通又俯允閣臣之請科道臣屬三衙門特准添註宸衷轉圜事皆法祖善必從人天下莫不誦聖人之明且斷但藩臬諸臣爲天子屏蔽巡宣一方者也其間資俸深崇者瓜期已逾竿頭難進使之久居此任在本身居進退之間使後人碍

遷轉之路不惟非人情並非政體也且卓異特舉例當優處旣難盡推開府而又不晉清卿目之爲賢而與不肖者同滯其何以昭風勵而示激勸乎若待實缺然後陞補則前路一壅中格可虞銓法必處其窮勢亦不得不爲之所也伏祈聖明俯從臣議將藩臬諸臣亦量添註每歲或二人三人如科道吏部之有定數庶乎內外皆均銓選無礙旣經該司具呈前來相應覆請恭候命下臣部遵奉施行

覆調有司疏

爲移調首郡首邑官員以清地方以興吏治事文選司案呈云云到部爲照今字內脊脊益多故矣羽書旁午徵調繁興戶鮮寧居家無安堵所賴郡縣得人彈壓撫摩得以維持合之成一太平也如汶上南海等處或近鞏神京或遠居海徼或首列雄藩或地當乾坤正氣集

卷三十五八

六

孔道或瘡痍之未起或豐孽之漸生地之需人日以爲歲懸缺旣難久待新任或難遽調今各撫按畱心求瘼銳意觀成酌人地之宜因材器之使諮諏確當列名補牘相應允從旣經查明具呈前來相應覆請恭候命下施行

議裁冗員疏

爲議裁冗員節省繁費以甦民困事爲照國家設官所以爲民也方今民生困殆日苦多事而說者曰省事不如省官然或權當獨操者則不可省卽或事需分理者亦不必省至于一切冗散多半雜流秩卑而養廉之祿不豐資下而充囊之計多巧不特民苦官而官亦自苦何不可省之有況在庚癸時呼箕斗罔濟司農持籌而仰屋百姓剝肉以醫瘡之日乎若罷不急之官清耗費之寶不特紓民困而亦佐軍需未始非濟時急計也合無將各撫按題裁

各官赴部另補遺缺永免銓除恭候命下施行

覆大梁道臣疏

爲酌議就近陞補監司以安地方事爲照大梁以西則巡道實分轄之其地山與河錯其人軍與民錯而奸宄盜賊往往出沒其間誠不可一時缺人者提學副使何應瑞才兼武緯文經力可肩宏任鉅兩試事竣歷俸已深就近陞補誠爲便計

請告呈附

爲因勞成病因病思親懇恩代題早賜生還事切職藥裏餘生志絕世用猥以嚴旨敦催誼難偃蹇且堂札數臨倦切有加顧此殊遇何忍自負力疾出山不揣區區亦思勉竭愚鈍澄清仕路以仰報朝廷并酬知己夙心所自矢也十七日入署距大選止有八日職拮据從事不交睫者數夜僅僅無愆常期而雞肋之體不堪矣

乾坤正氣集

卷三言五八

七

二十五日入朝立看掣籤吐血不止踰時乃甦初猶謂因勞偶發少息當瘥不意數日以來遍體如蒸眩暈怔忡一時并作自頂至踵無非痛楚緣職積疴之餘元氣未復又嬰重勞遂極沉委性命之憂岌岌在目前矣憶職初就道職母見職帶病出門雪泣霑襟職父雖以大義相勉而意思鬱苦更甚于哭職此時恐傷親意以淚承睫不敢下然每一迴念中腸若割今值疾痛夢中頻呼想父母念職亦應爾爾職卽遣人歸聊作平安家報少慰親懷但職吐血時天下選人衆目共見萬一流傳驚當如何職因此悲思愈重病勢彌增延醫楊加祚傳懋光診視不言脈症何如而但言亟宜早歸職所以憂懼交深躊躇再四而不能已于乞身也伏祈俯垂憫念准題回籍從此慎醫藥以自輔供菽水以娛親倘苟延時息皆鴻造所畱卽終填溝壑亦銜結爲報職無任激切待命之至

爲病勢日深職守難曠祈速允放以重部務事職具呈請告蒙批
本官以夙望被召到任以來裨益部事甚大曾幾何時輒言休沐
宜以國事爲重力挽去思也竊職力疾到任時不滿二旬事僅完
一選任過其量罪浮于功于國家有何裨益乃蒙溫語倦畱期望
過厚敢不勉抑去思以副策勵但職之病症已經匝歲之久卽今
調理亦非計日可痊劇司難容臥理子舍不禁牽情數念展轉病
在心頭職把鏡顧影覺形容減平時十之五精神減平時十之七
長安上而搢紳下至輿臺莫不知職之病而此段情事尙未必知
已人人知職之必去矣若日日言去而徘徊顧戀天下其以職爲
何如人衡鑑之司首重表率已先如此衆何觀焉是其病也猶以
瘵曠廢衙門之事而病而不去也乃以濡忍傷衙門之體職因此
乾坤正氣集 卷三百五十八 六

三呈

爲親病身病相關益迫再懇速放以盡子情事填職具呈請告慮
及以病憂親猶是意中揣摩然嚙指覺痛此心已怛怛動矣今日
家人馳至傳言職父母聞職吐血日夜驚憂悲號不止職終鮮兄
弟子然一身與父母相依爲命經月爲別輒便神傷家庭每談及
絕裾倚閭之語意色遂爾慘淡不樂今職父書中云誰非人臣而
不惜其勞誰非人子而不愛其體兩老人念兒甚望兒歸切切矣
職讀未竟血淚潺然職母素有痰暈之疾鬱卽舉發倘久望不歸
復增前症職眞天地間戮民萬死不足自贖者職思國家恢宏爲

綱未嘗以仕進之路強人而廣厲微權不過以忠孝之道風世若
職偃臥杜門濡忍不決進不足盡忠退不足明孝而浮沉不進不
退間且大傷廉恥職卽不肖必不敢自外孝治之朝而明良在上
遽可使下有忘親之臣乎且堂諭畱職將以用職也職方寸已亂
不能效用矣用職不若成職子職以官不若子職以命輕重之間
不待智者知也今疾勢日漸沉危生死只在奄忽伏祈早題一日
早入里門得奉遺體以慰明發合家感錫類之仁卽持朽骨以正
首邱亦奕世矢捐糜之報情亟籲天一字一淚無任激切待命之
至

四星

爲病急意促時刻難待四懇速放以救垂危之命事切職三呈控
籲亦幾情迫詞窮矣未蒙矜允豈以職飾無病爲有病乎昨日家
乾坤正氣集 卷三 五八

九

人倉皇馳至誰不見者職一夜悽痛增病十分誰不見者若以病
誣親以身病欺君卽此便是通天之罪不可勝誅而職敢乎哉憶
前歲職父薄宦矣與病肺幾殆恐至驚職匿不使聞然職見家報
朦朧墨墨心動卽介馬而馳水陸三千餘里十日而達榻前一慰
瘥卽霍然爾時眞病尙不言病况今言病病何待言此職所以驚
魂墜膽痛切存心若自身狼狽猶是小事矣夫人孰無病而職偏
以病累親人誰無親而職親偏以子增病方今才賢輩出需次待
用何止職一人而職雁行中斷烏哺牽懷則職一人也前之叱馭
爲急君命今之乞骸爲舒親懷進退之間皆非得已不然畏路馳
驅尙抱疴而來清暑從容乃無因而去耶職言止矣千言萬語惟
有一病千禱萬祈惟求一放放之早晚實關生死知堂臺必戚然
有動也伏祈卽賜具題早歸田里其于職命何異再造職無任懇

觀之至

乾坤正氣集

三言

三

范文忠集卷一

涇縣潘錫恩校

范文忠集卷二

明范景文著

涇縣潘錫恩校

撫豫報代疏

爲遵旨到任恭謝天恩事臣原任太常寺少卿崇禎二年七月准吏部具題奉聖旨范景文陞都察院右僉都御史巡撫河南等處地方提督軍務寫勅與他欽此欽遵備咨到臣隨赴鴻臚寺報名謝恩本月都察院到任領勅辭朝具奏起程於九月二十二日入境該前巡撫右僉都御史邱兆麟咨送原奉相傳勅諭五道符驗一道令字旗牌八面副關防一顆并吏書文卷到臣卽接管行事外臣嚮於班行中仰見皇上瑩精治理旰食宵衣所蒿目而憂悉心而籌者無非爲斯民計詔令之頒炳若日星乃微窺民間不惟不沾此德意并不聞此仁言問誰承宣固撫臣之罪也今皇上

乾坤正氣集

卷三十九

一

不以臣爲愚不肖而使之撫豫旣以豫之民生付臣矣從此而休養生息皆臣之責從此而顛連机穰皆臣之辜皇上所以任臣者何重而臣敢晏然已乎誓當俯竭丹誠肅將明命以下對兩河之民卽臣撫兩河亦寧有他謬巧不過就皇上所頒詔令與二三屬吏相黽勉實實行之令百姓實實受之如是而已矣行之歲月吏治民安必有裨益以報皇上若猶是以欺飾以虛應願皇上以斧鉞之罪罪臣臣無所辭各屬諸臣其體臣此意而交相黽勉乎臣實藉手以免於戾不然而以欺飾臣以虛應臣臣奉皇上之威靈以白簡從事其又何辭於臣故於受事之始據其欵欵如此伏惟

聖明裁察

直抉吏治病源疏

奏爲直抉吏治病源祈嚴申飭大破積習以風有位事臣被命撫

豫受事已匝月矣慄奉簡書無日不以察吏安民爲兢兢因竊歎今日吏治之病惟有一貪而對症之藥止惟一廉然貪吏之日多廉吏之日少者其起於察吏者乎何也吏之能爲貪必有才力可恃而吏之敢爲貪又必有牆壁可倚者也其一段翹然自喜之氣旣已煜煜動人而工逢迎善彌縫又能偵上官意而巧中之相得旣深覺察不暇彼之志遂肆膽遂張爲所欲爲無復畏忌且分其囊橐供作苞苴延譽多方虛名易起甚有畏其奧援假之羽翼而不敢動者以是薦剝日騰於上而怨怒日盈於下彈文所列不過一二庸碌悃悞無華之輩聊充故事而已嗟嗟撫按意向屬官之所奔走也撫按舉劾屬官之所轉移也而今若此世安得有吏治乎好官不過多得錢原屬昔人諺語今竟守爲秘訣人見得錢旣多又復好官自我通神得力轉相效尤卓然自立者有幾卽謂吏

乾坤正氣集

卷三十五

二

之多貪上官實教之可矣又何誅焉若其潔已愛民者有顯庸剝民自肥者有重戮昭昭垂示斷斷不假甄別嚴而賞罰當苟非病狂喪心誰不自愛其官所謂借其愛官之心以成愛百姓之心則風勵之善術也昔齊威王不過一霸主烹阿封墨齊國遂以大治正於風勵天下之術有合耳今皇上銳意太平將立致唐虞之業而海內未見向風誰司撫綏激揚無效臣每爲痛心思一力破此關然地處睽絕權在受成無一事不需查議無一官不需開報而又不能爲鈞距之術以耳目人所恃爲耳目者惟司道府廳各官故責成亦宜先自各官始語曰大臣法小臣廉豈廉節止小臣事哉所謂法者卽以廉爲法也已不廉而求人之廉則無法以身教貪而以令責廉則無法所升者不廉而所墜者不貪則又無法果欲以廉爲法則莫如斷饋遺夫饋遺者以交際爲名而賄賂爲實

者也此徑一斷則情面自絕威望自肅上下綱紀相維職事相課了無黏滯而後眞是非乃出眞勸懲乃行豈不休哉行之歲月而吏治有不變民生有不安臣未之嘗聞故持一廉爲對證不若拈一法字法乃祖宗以憲後世皇上以繩羣工者也律云官吏受財者計贓科斷追奪除名饋遺非贓乎枉法者通算全科受饋遺而有曲庇非枉法乎臣特揭與諸臣約煌煌在上或無敢有越厥志臣若自言而自背之無所逃說謊之律諸臣而仍不回心以相應臣請操三尺議其後則諸臣實負功令臣未嘗負諸臣卽負諸臣臣敢負功令哉伏惟天語申飭施行奉聖旨懲貪責成道府執法禁饋甚得申飭吏治之要該部卽與覆行

處置援兵疏

題爲應援之兵已發處置之法當預伏祈聖明申諭以定軍心事

乾坤正氣集

卷三十五

三

臣奉旨征調援兵五千已經遣發於十四日具疏奏聞矣然發兵者臣之事也而兵頓有地兵行有次兵餉有精皆不得不蚤爲計處置不蚤惶惶嗷嗷之衆易至釀亂語曰兵猶火也不敢自焚從來以徵兵階禍者往往而是臣爲此慮一一爲皇上陳之憶臣嚮在里中聞山東發兵軍士借口糧少因而大索致譁臣思索而後給威損而不足見德故凡安家行糧犒賞器甲一照往例毫不少減而仍捐俸備花幣牛酒勞之以宣布朝廷德意人人踴躍而前第所裹糧有限此後轉輸弗繼庚癸呼其支領之處不可不一蚤定也師之所過荆棘生焉言兵行之易擾也臣於其經臨地方一居一食皆委官先期料理使市不易肆師至如歸第過磁以往非臣所屬萬一止宿無地貿易失平軍民相格別生事端則所傷者多臣雖移咨保定撫臣下檄所屬如臣屬若再奉天語使軍士

聞知此瑣細事亦煩宸念必益感動其次舍之安不可不一蚤定也甲州距京師視各處獨遠故聞命獨後各鎮先到者想分有信地矣官兵向臣相問臣應以近京地方至問近京何地而臣不能應也以是衆心惶惑不一夫法不一則玩令不一則紛此軍中大患也屯駐之所又不可不一先定也至於遣行之日臣爲申明紀律曰兵到宜慎重兵行宜神速逗遛觀望者法無赦今卽不宜犯百里趨利之戒而事出赴義常法難拘其兼程疾趨一日必逾兩舍行後更遣急足促之絡繹相望不絕於途臣所能爲者止此矣一出境外惟聽將軍令耳臣旣不能縮地又不能分身統領將官亦祈皇上先諭後至之罰以定其心其或無敢隕越以稽王程乎臣已移駐境上以未奉旨不敢出疆恭候明命另取進止第心憂削難之兵或至發難故效此一得伏乞勅下該部再加查議覆請

乾坤正氣集

卷三十五

四

採擇施行崇禎二年十一月十八日具題奉聖旨范景文督兵赴援知道了兵如到涿便著在彼守禦未到速赴糧餉該州設法措給援兵經過地方有司處置務俾得所前已有旨著再加申飭該部知道

慶賀元旦疏

題爲慶賀事臣鎮撫外境提兵衛京恭遇元旦令節際萬象回春之日正七德成功之時運旣與日更新政復伴乾行始臣瞻天地近向日心殷願附鸚班用申虎拜獨以派分信地猶隔重圍雖鶴立未與乎在廷而雀躍倍深於望闕虔以齋沐恭候明綸何任歡忭剋企之至崇禎二年十二月

恭謝皇賞疏

奏爲恭謝皇賞事臣奉命提兵入衛派守阜成門下荷蒙聖恩頒

發資賞銀三千一百二十四兩八錢謹就營中恭設香案率將士望闕叩頭外隨卽陳白鏹於簷下廣布皇仁推赤肝於腹中徧爲帝德一時三軍挾纊萬口騰歡臣亦以大賚之豐益篤匪躬之蹇兆解於沛師協以孚臣何勝佩戴之至崇禎三年正月初一日具奏

再謝皇賞疏

奏爲再謝皇賞事臣奉命入衛之初部下士卒已荷皇賞該臣具疏奏謝外爲時會幾何復蒙天恩賚予至再帑銀三千九百零六兩每名五錢視前更渥顧此鞮鞞之衆沐隆施之不倦戴大德之難忘激奮自矢其何以圖報也惟牛飲血各欲剖腹見心秣馬厲兵漸可如臂使指臣亦藉手以慰丕勞愈矢心而懷上眷感深逾萬恩浹無倫臣何勝銘佩之至崇禎三年正月初七日具奏

乾坤正氣集

卷三十五

五

援兵經過處置當預疏

奏爲援兵處置當預中原空匱堪憂懇乞聖裁以防內變以安腹心重地事臣連日閱邸報見陝西撫臣劉廣生延綏撫臣張夢鯨江西撫臣魏照燾鄖陽撫臣梁應澤聞警入援俱繆綽在途矣陳師鞠旅以衛王室者自臣子之誼但道路經臨有一不取途中州者乎中州四衝之地縮轂諸省諸省以一方之事爲事而中州則四方之事皆其事也凡此帶甲荷戈多無義之人又操不仁之器紛囂甚易約束甚難一失約束而害必有受之者非經臨地方耶使地方安受其害害不可言也使地方不安受其害害愈不可言也卽令人盡贏糧士無枵腹而安頓之次食飲之方軍民主客間猶不能保其無事況未必然乎今准陝西督臣楊鶴咨稱遣總兵官楊麟統領官兵三千二百餘員名馬騾四千九百餘匹頭應用

糧料速行預備等因到臣臣亦提兵入援者也安家行糧皆出本省悉索以從未嘗煩及三輔而諸省遂欲問及不腆之中州他雖未至秦中已若此矣誰非人臣總皆王事敢不檄下所司以戒以備第未明言某項京邊正額旣已星催如雨別項那借又復搜括一空萬一彼無所攜而來此無所取以供小爲脫巾之呼大爲揭竿之變飢民易與爲亂此必至之勢也今汝南河北一帶滿眼災荒流移載道臣鯁鯁懼旦夕有不可知之變猶冀孱弱窮民勢孤膽怯不能倡始未必遽興大難若飢兵與飢民合而大亂從此起矣亂起爾有以制之尙可不至決裂今征調已虛戎伍未補倉卒之間誰爲撲滅中原一有搖動其費收拾更大可不爲寒心乎臣雖親鈴鑼之事實有封疆之責每一迴念中夜徬徨敢嘔心灑血冀以告請君父伏祈勅下該部查議援兵經過錢糧動支何項安

乾坤正氣集

卷三十五九

六

頓應用何人如京邊難動便無處法亦須速諭該撫自行帶解供用軍前勿使臨期起釁致生他虞但得腹心無恙天下事尙可爲也臣在都門行文所屬往來之間動經旬日事變叵測常在呼吸更祈宸裁早賜定奪施行崇禎三年正月十三日具題奉聖旨援兵自攜行糧前已有旨據奏經過需給不妨權宜事後還補范景文移會按臣料理該部知道

辭免新命疏

奏爲佐樞重任庸劣難勝懇乞聖慈俯容辭免以安愚分以重兵政事崇禎三年三月二十五日准吏部咨爲缺官事該本部會官具題奉旨是范景文陞兵部添設左侍郎欽此欽遵備咨到臣隨恭設香案望闕叩頭謝恩外伏念臣才非適用守未通方皇上忘其謏陋而命之佐樞念此恩私誓竭頂踵以圖報稱夫何敢辭且

當戎馬生郊宵旰未釋苟效一得以仰副焦勞自屬臣子本分亦何忍辭而第度時量力有不容冒昧者夫中樞一席以控九塞以總六師而參帷籌裨廟算則貳樞所有事也此惟精嫻方略方勝其任而愉快而可易言乎孔子之對衛公曰軍旅之事未之學也天下事未有不學而能而兵事爲甚其所謂學者身曾涉歷手曾營綜心思會籌畫而後肯紮孰嘗窺會巧中咄嗟四應恢有餘地也如臣起家章句一行作吏止知簿書已耳生長之地旣非邊方宦遊所到未親行陣卽近聞警入援倉皇誓師所至帖然惟持一點忠義爲之激發感動猶是書生伎倆而索臣以六韜三略之妙動天潛地之奇槩乎其未有也臣嘗謂材局本自天分各有能有不能人不可以自強而國家亦不可以之強人用違所長古爲大戒以臣蹶蹶之蹤硜硜之節以受任一方澡躬端範嘔心求瘼或

乾坤正氣集

卷三百五十九

七

可稍自黽勉然而拘攣太過足槩生平其非司馬之料也明矣我皇上勵精圖治式序在位固將因能受任卽事課功軍國大計更所慎重今在廷在籍濟濟多材豈乏頗牧其人足當此選奈何以素不知兵之人而漫以兵事嘗也且臣此一來灑血赴義以入衛也國難未平而驟遷一官如此心何臣抑有以自審矣才品不在人先俸次又居人後聞命若驚義罔敢受此所以中懷踟躕不得不披瀝於聖明之前也伏祈聖慈俯鑒悃誠收回成命別簡才賢以佐中樞庶微臣無負乘之羞本兵有得人之效亦皇上所以爲軍國計也臣無任激切待命之至崇禎三年三月二十五日具奏奉聖旨佐樞需才范景文已膺簡命著卽速到任不准辭該都知

道

題爲革除民生第一苦累以期久安長治事臣當奉命撫豫之初日思所以撫之之方而求一當也惟是與民休息爲第一義顧今天下民生瘁矣或困於水旱此患在天者也或厲於盜賊此患在人者也尙可隨時補救隨地消弭不至大苦獨官患苦之而莫可解免則莫如差役臣請得而悉數之如錢糧之收有收戶解有解戶驛遞有馬戶供應有行戶皆僉有力之家充之名曰大戶固曰有田則有賦有賦則有庸則壤作貢理或然也而所僉實非真大戶何也大戶之錢能通神力能通鬼不難倖免而免脫雉羅大半中人耳中人之產氣脈幾何役一著肩家便立傾一家傾而一家繼一家繼而一家又傾輾轉數年邑無完家矣卽彼所謂能通神能使鬼以免一時者亦漸日朘月削免與不免同歸於盡此不水旱而荒不盜賊而僭者也豈不痛哉往時建議者心隱之變爲條

乾坤正氣集

卷三十五

八

鞭法以闔境之力役均於闔境之丁糧此法若宜少蘇矣而試觀民間有不經年累月奔命於公家者爲誰有不賣妻鬻子罄貲於津貼者爲誰是條鞭之行者自行而大戶之革者未革也總之役在民則官便役在官則民便此不兩利者也便在民則民欲革便在官則官不欲革此不兩立者也夫官民之不相勝也久矣有司官卽不無念及民瘼者無如胥徒之中爲格何蓋僉派一行則手得高下口得低昂日市其重於民間而民奔走以奉之嗟嗟民間天子藏富之地而反爲彼外帑以致官日富而民日貧在官之人日富而民日貧民貧矣國安得富私費多而公賦誦此必至之數也臣剗心蒿目議下有司實行條鞭之法一切差役俱歸之官錢糧官雇人收爲議廩餼官差人解爲議盤費倉漕爲之議腳價官委人置驛遞爲之議芻豆官募人養供應以市值平價不立官價

名色凡夫傾銷添搭幫陪之費徹底蠲除百年患苦一旦灑然不
亦快乎是非移民之害於官也官任之而害自滅耳官自經手官
自畱心金錢無所容其穴窟倉箱無所容其耗蠹郵驛支應無所
容其冒破在民免於害而官亦并受其利所謂利者獨胥徒耳置
官以爲民豈爲胥徒哉有知日與胥徒比而陽奉陰違名去實存
者斷以白簡隨其後從此百姓自辦正稅而外足不至官府目不
見青衣日惟舍舖鼓腹以嬉遊於化日是亦一時華胥也卽猝有
水旱盜賊亦有以待之豈足爲厲哉嚮臣司理東昌曾行此法歲
所省以數萬計東人至今思之臣不揣欲以己效之法試之兩河
以起沉痾將欲使兩河亦如二東也而今量移矣人去法更久將
復斃所關於民生休戚者最大故特披瀝於聖明之前其中條款
頭緒繁多不敢一一瀆覽而略陳其大端如此臣謹會同巡按河
乾坤正氣集

卷三十五

九

南監察御史吳姓具疏以聞伏乞天語申飭絮著爲令敢有變法
虐民者官吏議處參究不少貸將休養旣久物力漸充久安長治
端必由之矣崇禎三年四月初十日具題奉聖旨體恤民隱是撫
按第一要務這奏內革僉派行名募飭吏治安民生最得要領便
著定爲例勿輕變更該部知道

直陳除害安民諸款疏

題爲直陳除害之事伏祈天語申飭以安民生事臣聞巡撫之任
曰保釐釐之所以保之也臣承乏撫豫兢求所不負簡書者固思
中州係天下腹心動關四方安危而四方之安危亦莫不與中州
相關地稱重焉臣日延問長吏士紳以及鄉之長老大約不越興
利除害四字而舍除害無興利法有官害民者有民自害者除官
所以害民者而民利矣除民之自相害者而民之良者利矣不關

心未見其爲害一下手彌覺其難除臣一月有餘頗得要領己下所司徧檄行矣而卽恩恩入衛以來臣若在事惟卽事課效原始要終毋致饒舌而今量移矣不敢不一言以聞當宁漢臣曰爲政不在多言顧力行何如耳苟不能行何貴於言苟欲行之何可無言特條列其大端以瀆聖鑒伏祈一申飭焉

一加耗夫錢糧之苦加耗此風幾徧海內矣而中州以多特聞夫豈盡然亦良吏之所務白也大抵納糧之多者加耗猶少而納糧之少者加耗獨多以爲官自染指耶剝百姓之脂膏潤一己之囊橐何以爲民父母以爲經手侵漁耶壞一己之名節肥各役之身家何以爲民上自己得之謂之貪各役得之而不覺察謂之昧而其害與貪等加耗之害臣所痛革者一

一苛罰夫罪之有贖也其古金矢之遺乎然笞杖折贖律著明

乾坤正氣集

卷三十五

十

條而不論事之大小一槩罰穀彼固曰入倉備賑也乃動輒折銀則入橐矣少有七八石多有十數石者甚至犯笞而踰城且之費此可爲訓耶贖固因罪罰則何名苛罰之害臣所痛革者

一

一私派夫錢糧徵收自有欵項未有敢私派者而中州往往獨有或舊額之偶詘焉則派之民間以益之或公費之難省焉則派之民間以充之蠶茲小民身不入市井目不識功令片符朝下敲朴隨之嗟嗟一鎊一銖孰非脂膏遼餉疊加徵求無藝惟正之供尙不能完民窮財盡豈可蘊崇之又行火耶私派之害臣所痛革者一

一健訟夫民間諸苦皆官擾民而民自擾者則健訟之輩有其事而訟之飾小爲大爲因風之吹者常也無其事而訟之漫天

說謊爲無影之吹者變矣有一事而此狀未銷彼狀又下前官已結後官又告者不株而連因節生枝又變矣自己之情已破借人以求伸近地之局已完冒異籍以拖累經年經月彼此關提官府已受其玩弄善良能當其魚肉乎健訟之害臣所痛革者一

一假盜夫民苦於盜嚴緝之而盜自盡則緝盜所以安民也而有因緝盜反爲民害者則捕役之假盜行詐爲禍烈也以賊爲奇貨名曰作眼以賊爲實跡名曰認窩白白役入妄攀之家非青蚨無脫身之路此與綠林強寇異事而同患者也假盜之害臣所痛革者一

一窩訪夫人之所以畏官者以其權能賞罰人生死人也而有以細民竊官司之權而生殺之賞罰之誰不畏之如虎曰窩訪彼其人憑城負嶠內外勾通虛撫事件不妨李戴張冠巧立欸單每至甲移乙室令受害者撫心自慄莫知從來非但平庶遭其網羅而官司并墮其雲霧此夫爲盜而不操弧矛攻而不用弦刃者也窩訪之害臣所痛革者一崇禎三年四月二十四日具題奉聖旨范景文條奏吏治有裨安民這各款著與飭行該部知道

備陳中州地方情形疏

題爲微臣得代謹述地方情形以祈聖鑒事臣嘗考豫居九州之中閩域函夏其於四方如車之有轂戶之有樞所謂腹心也譬人腹心一得其理咽喉臂指俱可提掇通靈而此處受病肢體隨之矣故四方有事豫常居中以應之而中原有事四方力所不能爲其勢然也然則葆合國家元氣者當自中州始向來中州號稱無

事自臣入境而後知非無事也河之北苦旱千里赤地河之南苦水一望白波飢民已不聊生矣而兩河間皆苦盜綠林嘯聚日不絕聞民窮而盜易起盜起而飢民附之將禍至之無日也而更有邪教一種儻然以翁雄自命其口譚非仙非佛其期待爲帝爲王其受用好色貪財其結果成佛作祖原蓄不軌之謀故創不經之說初不過一二黠者主盟號召究也遠近奔走蟻附蜂合煽動勾連不疾而速如北直之澶滑南直之淮徐山東之曹濮實繁有徒中州則其曼衍穴窟之藪先年固始之變已見於前事矣臣未見其形先察其影日與按臣鯁鯁憂之嚴督郡邑飭必有加將瘳此腹心之疾而有不能頃刻釋者深見此輩其志大其機深其黨衆伏兵在莽乘隙颺興當此邊圉告警之日正屬奸宄竊發之會果未幾鄆陵以王進孝等告內鄉以余學文等告五營賊徒且近儀

乾坤正氣集

卷三十五

七

封界上其先發者耳而旋皆殲滅何以得此哉則按臣吳姓任事有以伐其謀而禡其魄也當臣提師入衛戎伍空虛人心搖動牲駐會城召兵補伍魚麗鶴列組練色生復渡河揚兵溢上簡鄉勇行保甲賑饑荒臣卽飛檄如雨終是鞭長不及按臣時進有司面授方略故祥符則擒時堯相杞縣則擒魏景吾鹿邑則擒張明山而睢陳道參政劉餘祐歸德府知府董嗣諶推官萬元吉則擒李慎吾李小泉張自友等皆兇魁巨惡逆謀叵測眈眈睥睨坐以觀天下之變者也據諸奸口供尅期約會先取汴城以爲根本聽之令人心寒向非謀先未雨功預徒薪則二室三川之間并受荼毒尙得有寧宇耶故事兵馬餼糧皆撫臣爲政而按臣第持平文法稽覈之今臣責任並於按臣而姓忠勤任事勞怨不辭十分才力又足以副之故能再造兩河以幸旦夕之安而未可謂無事也繼

前必後可一日少重臣料理哉伏祈聖明俯鑒按臣前勞仍勅新
撫臣回鎮共圖消弭地方幸甚崇禎三年四月二十六日具題奉
聖旨據奏中外民飢盜起邪教煽動吳姓才能賑荒弭變知道了
新撫郝士膏俟俟恂赴昌交代去該部知道

乾坤正氣集

卷三 三十九

剔舊營積弊疏

題爲仰遵明旨謹剔舊營積弊以肅軍政事微臣欽奉敕書著臣督同總兵官將通鎮額設調援見有兵馬查補簡練再行招募萬衆欽遵施行隨准兵部咨該本部題爲天威震揚等事奉聖旨這通昌兩鎮募兵各以五千爲額依議行兵不在多但須選訓有法期成勁師舊兵補缺清占與新兵別營分練俱著范景文侯恂加意料理該部卽行諭知欽此欽遵今所募新兵該臣督同司道鎮將挑選訓練丁旣壯而糧亦厚法方新而弊不生惟是通州一營額軍二千八百月食倉米八斗俱係通州左右等四衛撥出祖籍版軍總屬副總兵魏都梁統領該臣莅任之初卽行閱視半屬空

乾坤正氣集

卷三百六十一

一

虛中惟家丁三百餘人頗稱精壯其餘皆老幼殘疾縹緲不堪臣甚驚異隨行諮贊主事章應望監軍道越其杰清查去後查看得該營原額二千八百內撥巡邏三倉二草廠通濟庫竹木廠防守河西務漕運及院部鎮道各衙門聽差塘撥共一千四百名自萬曆四十八年該巡按御史王象恒查閱因疲敝不堪斥汰本營六百名而選募壯丁三百兼其糧以爲守城偵探護送錢糧之用卽前所閱頗稱精壯者是已其餘現在聽點稱爲哨路守門碾藥及各營將牢伴非老卽幼非病卽貧又逃亡不到者十居其一此輩向屬烏有或係營官侵隱或被營蠹濫冒或被紳矜占用又係魏都梁破情面而清出者然紙上之陋習似清而營中行伍仍虛俱難一一查詰但隸於版籍皆祖軍也按之則籍在人虛扣之則左遮右掩一旦汰之或難鼓舞人心漸次清之庶幾充實行伍等因

到臣該臣批該營虛冒種種雖經刷洗影射尚多豈竟付之不可查不可補耶凡此尺籍所列孰非受廩公家何不令披堅執銳而俱充雜差或者雜差其護身之符而尺籍固名有實無也仰司會同監軍道再一詳覈等因去後據司道二臣查看得營軍隱占賣閒積弊種種從來皆是天下皆然不獨一通州也今查雙糧家丁見在偵探守城者果皆足數卽倉廩庫獄巡邏及防護漕運與各衙門聽差俱爲成例其在行伍者誠老羸不堪而祖制已定驟難輕汰以啟釁端故聽其若有若無耳且各軍食糧一石止米八斗不足供俯仰之用勢必別圖生理卽衙門應役不過朝夕答應上下分班猶得以餘閒營活今欲責鳩形鵠面之軍以戴甲橫戈之事無論脆弱不堪而以數斗輕糈令其終朝服役毋乃非情不若使之仍役衙門如守門守獄看倉看庫護糧送銀碾藥伏路諸大

乾坤正氣集 卷三百六

二

事俱不可已而欲撤軍歸伍必得另行雇募重派民間又不勝其煩難矣今但嚴查積弊無使侵隱就中擇其壯健加以雙糧庶行伍漸實等情到臣據此爲照軍政之弊也久矣聖明御宇銳然與天下更始臣欽奉簡言諄諄查補舊額敢不肅將從事因撥行司道得其種種弊狀有名是而人非者有人是而事非者有人與事亦是而俱不可恃竟歸於非者臣爲愀然痛心悚然骨慄也而諸臣爲之解曰此弊非一處非一時噫是何說與臣攷究而得其故矣祖制邊腹內外衛所某置以軍隸衛分屯養軍無事則屯牧有警則徵調後失其制於軍之外另募民以爲兵於屯之外另賦民以爲餉而彼如鱗尺籍不能爲衝鋒之事久之并不知爲帶甲之人弊也久矣果不止一通營爲然臣以維新之世百度改觀雖全局皆壞不止一處而補救正欲於此處始雖易世易漚不止一時

而積蠱正欲從此日更豈可悠悠誕謾使有定之軍制付之不可
問有用之軍糈投之不可知則所謂維新者安在問誰典守營官
自不得違責但魏都梁猶是敢任之人而難返極重之勢固不在
追旣往而在飭將來此後寬之歲月專其責成務使振刷從頭以
期澄清到底若仍烏有如故則亦白簡何辭謹條列數端以瀆聖
鑒伏祈天語申飭施行

一覈虛冒夫營之所以虛者以其無人也而糧之所以冒者以
其無人而稱有人也通營之軍應差於營而食糧於衛如使有
逃卽報則糧不冒矣有報卽補則伍不虛矣故匿逃不報弊在
營官通同冒糧弊在所伍如一軍逃亡管隊與司總匿不卽報
俟放糧後方行開名把總自此而把總而千總而中軍無不染
指比及具呈本將已不知冒食幾許時矣而本將又不肯卽補
陋習相沿積漸所至不幾虛無人乎今欲釐此弊除該營隨逃
隨報外仍責令各所千戶每月類報開除之數以憑質查如有
通同隱冒重究不宥掌印指揮亦令互相覺察庶法令嚴而人
知惕耳目衆則弊難掩矣

一清占役夫占役各處皆然而惟通營爲最以其衙門多也自
將官之跟伴以及倉廠監局道鎮州衛等衙門無不有之在營
官占役猶隨營有人其他則一往不返名在人亡莫可究詰雖
衙門各有職事亦屬因公而設而伍中暗減矣且用無定額營
官藉口影射一遇查點任意冒開此項未清另有一項爲卸肩
之地此軍未到別有一軍爲銷名之人卽設法查點終何益哉
今卽不能全汰亦宜著爲定例某項該用軍若干某項應裁若
千其倉廠監局部州等衙門軍役或按月或按季回營赴點總

計各項占役外實在隨營操軍若干名卽以實在數目爲稽覈張本庶乎躲閃無路營伍漸充矣

一禁賣閑夫營伍何以日虛以偷閑者之多也而將官實賣之每軍月納二百餘錢不操不點任其他營矣每馬月納三百餘錢不操不點任其他載矣究弊所從來則因各衙門使費而起如倒換循環有費月報季報有費年例規矩有費甚至包納罪贖餽送禮物一切繁費皆以賣閑之錢充之於是指一科十因公濟私每月放米催納班錢不以爲諱上與下共聚食此軍而伍之充也有日乎以後嚴禁納班其科贖受餽須從上始所謂源潔而流自清耳

一覈馬匹夫倒馬有年限追椿有多寡所以懲喂養之勤惰也通營馬死先報本營發下追椿卽總軍使去月領草料錢糧照乾坤正氣集卷三百六十
四
舊造支併本軍月糧俱存留在營以充椿銀之數假如應追一兩常扣至七八兩不已或一年或半年始報兵部謠云馬瘦營官肥馬倒營官喜誰肯稽查喂養臆息責成馬軍耶今惟有闔營朋椿則此弊自除朋椿之例各邊鎮行有成效今當亟行未晚也

一選家丁夫通州一營非斑白則黃口鳩形鵠面不堪著眼惟家丁頗稱精壯可用問之乃四十八年巡按御史王象恒所議并兩人爲一人給以雙糧號爲家丁者也彼誠見八斗輕糈不足以羈壯夫則得三百之精強勝於六百之老弱耳今若再歸併二百名給以雙糧合前共五百名亦可作一軍之領袖壯一時之牙爪乎若慮積弊叢生日新月異後日之三百仍如今日之二千八百糧已并而人彌少則隨時補偏救敝又在後之人

耳伏祈聖裁崇禎三年七月十一日上月十六日奉聖旨這
條奏通營積弊甚晰著范景文著實釐飭家丁并糧還與酌議
該部知道

請罷免疏

奏爲治旅非才聞言自省伏祈聖斷罷免以重兵政事該臣於邸
報中見湖廣道御史一本奉聖旨朝廷大事每經廷議及至施行
言官又多借端逞臆是何肺腸這本內摘陳五弊如清釐驛遞冒
濫反謂浮糜通鎮督臣練兵反稱頹廢顯是圖便私情代人卸擔
始不深究該部知道欽此捧誦之下不勝心悚猶未知臺臣論列
中作何語及得抄疏一款灑灑於通鎮兵之不當增治兵者之不
當去夫兵之當增與汰治兵者之當去與留自有廟議臣亦何敢
言而第曰以懲飭成頹廢則臣不勝心愧矣臣以章句書生不嫻
乾坤正氣集卷三百卅

五

軍旅荷蒙聖明忘其孱弱畀以治兵之任受命飲冰從事討練汲
汲遑遑殫竭愚慮詎敢自卽頹廢仰負恩私故草刲之地難矣而
臣未嘗諄諄言難勞心之餘病矣而臣未嘗屢屢言病然於難處
拮据時勢自有所弗周於病中支撐心思自有所弗逮其爲頹廢
或者已不及知而臺臣見其微乎此段藥石之言何敢借以自諉
而惟用自策勉然猶恐策之不前究也果以頹廢誤重地則臣罪
滋深心不勝大懼耳伏祈皇上蚤賜罷免安臣之愚分臣無任激
切待命之至奉聖旨通鎮軍務范景文須力任料理以壯聲靈不
必借言引陳該部知道

汰營將局官疏

題爲汰可省之官以一營制事照得從來因兵設官因官制器此
一定不易者也然有時因官而分兵因器而添官或以有不可緩

之需有不可違之情姑仍舊置亦一時權宜而非制也臣初莅通地因草昧非他鎮比問之甲仗一切無有兵士徒手其何以搏故特設軍器局責成一官督造今一年來所修繕大小銃砲以五千計刀鎗戈斧以四千計火藥以十萬計以今日之兵馬計所用以今日之錢糧計所成庶乎其足而局可裁也通之標下有中左右三營而中營兵爲舊丁官亦舊官原官實有兩人彼同生齊魯新尅永灤所謂父子兵也情若一體之結人經九死之餘驟爾易將恐其不安故暫令領舊部曲今爲時久心亦定矣而營可併官亦可併也夫局裁矣而匠白俱裁則營伍益實營併矣而兵自俱併則耳目不分去贅龐而清耗蠹道似當出於此伏祈敕下兵部覆議將參將白三學守備張瓚徑行裁革赴部另推匪徒汰冗員亦所以節繁費也

乾坤正氣集

卷三百六十一

六

更定經制疏

題爲看詳經制煩費可惜懇乞聖明敕下更定以垂法守以便供億事臣准臣部咨題前事奉聖旨據奏昌薊等鎮兵馬文冊營伍多寡懸殊冗弁黃緣濫蠹及鎮道公費書皂匠役冒餉等項種種積弊全未清釐該督撫明旨詳定經制所料理何事如此銅習相仍邊政何時振飭該部卽逐款摘出著令查覈更定速行回奏今後各鎮如有廢棄罪弁無籍姦棍鑽營咨薦聽用的該督撫卽指名參來嚴究重治若徇情濫收以致剝軍侵餉責有所歸該衙門知道欽此欽遵移咨到臣臣仰遵明旨詳釋原題諸款雖未指及通鎮而所稱營制當齊冗員當去深有味乎其言之也臣鎮兵五千因兵設官因官設餉一切經制屢經計部酌裁飭立之初無他耗孔然天語申飭臣獨何能自己乃於省中求省汰而復汰各鎮

所無者不欲其多卽各鎮所有者寧從其少期於去一官餘一餉餘一餉養數兵如是而已矣除前另疏裁併營將局官外又減千把等官若而人聽用名色一筆勾去每月節二百三十餘兩更官經制具疏上聞至於廢弁鑽營臣向業以冷面從事此後果過等贖卽付白簡煌煌在上斷不敢徇情面而襲明命

扈蹕祈雨疏

題爲恭聞聖駕步禱謹報移師扈蹕事臣崔臣部咨爲欽奉聖諭祈禱雨澤事內稱該內閣遞出揭帖奉上傳久早爲災圖回當死應遵皇祖步禱之例朕卽恭詣郊壇爲萬民請命卿等速傳該部具議擇日來行朕居文華蔬食已久不必復行齋戒以致遲延欽此欽遵該禮部擇於日祈禱上請傳奉到部移咨到臣臣捧誦聖諭仰見皇上敬天勤民如此極至無以復加也在昔盛王桑林責乾坤正氣集卷三百六十

七

奉旨回奏疏

題爲奉旨回奏事接兵部咨該臣題爲仰遵明旨等事奉聖旨屯政條議甚多未見確盡明效惟是兵必求其精毋以浮額糜餉差堪補救近王道直奏通鎮兵多老弱卽是餉足養此何爲范景文還將任後訓練若何應若干人足用援兵若干人可撤明白奏來凡督撫官條議兵餉只就所屬地方事宜切實登對不必泛襲於緩急無裨該部知道欽此欽遵移咨到臣臣茫無深識祇有小心

接到部咨儼承明命不敢不殫竭愚慮仰備採擇亦以年來釐剔舊營實見如此規畫乃可一望改觀荷蒙皇土寬其迂闊以通兵詰問臣感悚交集如臨淵谷臣奉命募練惟新兵五千爲重關臣王道直所言糾糾桓桓意氣飛揚者是也其云老弱原指通州舊營而言夫此舊營祖軍向日半屬將官賣閒半充各衙門占役餉飽饜腹名點鬼簿并此數無之臣近力破情面苦心綜覈盡數清出復使歸伍復爲捐貲繕器械製旗幟令與新營分曹遞練然而新兵月餉一兩五錢彼止米八斗約值五六錢耳以是下令清勾壯士裹足無至者熟思招徠鼓舞惟有清屯益糈一法如奉旨并糧家丁五百亦舊營軍也而驍騰之氣與新兵等固舉目可見者臣任後所加意訓練者此五千五百人潞河神京左輔相距密邇亮白無逃聖鑒也至於援兵久懷故土之思當爲及瓜之代湖浙

乾坤正氣集

卷三百六十

八

三千六百五十人均屬可撤無半去半存之理獨是兵撤之後尙煩商酌聖明圖維於足用之數愼念要地意良重哉臣愚以用者用以戰焉用以守焉戰則須車營須騎營非二萬人不可辛酉間曾設撫官練兵亦此數也守則通州二城塚凡二千九百八十有奇兩人一塚僅足登陴外又有把門守巷哨探設伏等項仍須多人如已巳城守法京營并眞定兵已一萬八千人是無論戰與守共非五千能辦也明矣臣擬請增兵以餉難而止故與閣臣孫承宗督臣張鳳翼咨商有減官益兵減客兵益主兵之說主兵議增而援兵三千餘人可撤也今似當預儲一旅以備不虞此臣所爲就通計通者如此伏祈聖鑒下部議覆施行崇禎四年六月二十一日奉旨新兵固宜加意訓練舊營兵旣經清數果能實心振飭自當改觀豈家丁五百名外更無堪用且見覈實數幾何前王道

直疏既不明開范景文又復含糊所稱綜釐仍屬故事還著明白
奏來楚浙援兵已有旨了該部知道

奉旨再奏疏

題爲奉旨回奏事准臣部咨該臣題前事奉聖旨云云欽此欽遵
移咨到臣捧誦嚴綸措躬無地自念新兵精練已蒙聖鑒惟是舊
營綜釐雖費苦心敷奏原欠明白皇上寬臣罪而今之覆奏感激
天恩何有極哉通營軍額二千八百旣并雙糧五百外單糧一千
八百一共二千三百名此見額也臣已載入經制再塵御前關臣
與臣故未贅瀆亦以人臣隨分盡職何必嘵嘵自明茲復凜承明
問乃敢以振飭之實詳言之臣初被命駐通遍覈戎伍見通營單
虛不堪著眼家丁三百尙自可觀先年按臣王象恒以糧薄
軍疲并兩軍爲一軍故與衆別臣

乾坤正氣集

卷三百六

九

強勝於六百老弱因議再并二百名荷旨俞允如數選完此五百
之數所爲堪用以此至於一千八百人往日半充占役列署某置
已去強半而其半則將官賣閒領到月糧盡飽饜腹冊中所列子
虛耳臣減屏騶從清占先自身始各衙門遂無敢占役者營衛官
亦不敢賣閒從前黠鬼之簿始有其人此臣不徇情以振飭者也
向因無人並亦無器今有其人矣而無器與無人同臣復修製刀
斧一千件鎗砲五百件大小旗幟一百餘件人人授械非復空拳
一指揮問乃可以軍皆出捐貲未曾損帑此臣不惜費以振飭者
也臣任參督治不過明調度持賞罰慎稽覈而操演先自該將事
魏以庸不任而斥章以病不任而斥卽舊道臣越委查茹賄亦重
處不少假干把等官慎遴選嚴甄別冗員之虛糜薪水者裁汰始
盡此臣不辭怨以振飭者也凡此清冒覈虛幾經拮据乃得化無

爲有然而版籍之去留額糧之增減與新營不得同化弱爲強因委曲爲清屯一議豈可已而不已哉其實臣之作法亦不專以恃此已一面多方調劑簡練以期漸改觀無負聖明責成至意總之臣賦才原短遇事認真殫竭心力何敢以故事應也伏惟聖鑒崇禎四年七月初二日奉聖旨據奏通營舊軍雙糧單糧名數知道了既係裁併虛糧查明見額益當加意訓練實裨戰守毋得仍託空名復滋詭冒以致額伍反虧軍備愈損該部知道

議建敵臺疏

題爲議建敵臺以固城守以鞏重地事臣惟從來善守者敵莫知所以攻攻有遠攻有近攻其遠攻也弓矢槍砲憑城施之易耳近至城下而勢促力窮此危道也昔人因有敵臺之制敵臺者緊附城外虛中以安神器三面橫擊出奇無窮在我上下無畏而敵不

乾坤正氣集

卷三百六十

十

敢逼一逼立遭糜爛護城之法莫妙於此故曰有城無臺猶如無城臺非其制猶如無臺是城所以衛人而臺又所以衛城也通城逶迤十七里百萬儲峙軍國命脈存焉向惟據河爲險冰堅以後遂復無險可據何所恃而不恐臣爲守計於客歲曾議建敵臺部臣以時詘難舉停閣不覆然臣此念日夕未嘗忘頃監軍道臣張春來巡視周迴深以臺爲當建與臣議合躬冒矢石守城與攻城之事皆身親經過與遙揣者不同而後知此工之必不可已也夫功之成也益利甚大而工之興也資費頗多此時仍欲內請築道旁舍耳土木灰石臣願一力任之一年公費刻意節存可得數百道臣將去州臣初來并有所助一切不以煩公帑但一須輒料燒造難就也運船所帶得數萬便足以濟事至殘缺委河干者甚多願以請之工部一須人夫流傭難集也京邊班軍量撥數千以來

每日給米二升以備饗殮願以請之兵部與戶部諒諸臣同心謀國或不復靳乎伏乞皇上勅下該部少助臣力則浹旬之內屹成金湯神臯重地豈特爲通而已哉目下履霜將至農隙糾工惟此時爲然若其刻期舉事可冀不日告成一或稽延便至就悞臣束手無能爲計矣更祈聖明嚴飭該部施行崇禎四年八月二十九日奉聖旨敵臺有裨防勦覽奏不煩公帑力任建築范景文具徵任事所需工料等項各部酌議速覆

議留道臣疏

題爲道臣不便屢更重地未堪久曠謹順輿情酌時勢祈賜留任以固重鎮事臣捧誦明旨據奏張春力任解圍具見忠幹所舉各將劉應國等及永平官兵矢心報効的俱著統領出關聽樞輔調度協圖勦擊事平從優擢敘其應否加督陣名色該部卽日酌覆

乾坤正氣集

卷三百六十

十一

永平道事務仍著王凝祚用心料理該衙門知道欽此臣伏而嘆曰道臣張春者前年臣初疏起之用於永而卽成復讎之功今年臣再疏起之用於永而願收救凌之効春能矢心臣可措手至於王凝祚復任一節以臣愚仰釋明旨所云永平道事務仍著用心料理者似謂凝祚尙未離永仍著料理耳乃今已入通矣日前由永來通此時又由通往永道里往返不遷延乎時日荏苒不孰費乎於永未必濟急於通反爲交誤夫孰非皇上之疆域孰非國家之政事而可若是也通鎮初創草昧經綸軍務承宣道臣爲政一日缺人則一日誤事乃今一年之內四易官矣如越其杰之以人累地臣爲議斥胡福宏之以地累人臣爲議改張春王凝祚可謂人地相宜而仍相繼他往不得一日安位行志夫非其人旣不欲使之留卽得其人又不得挽其去席煖不遑幾時得一人之用得

無以通可置若遺而官於通可委若寄乎恐從此而此地之官視身若寄地方視官若寄將藩屏之司等于傳郵咽喉之地等於兒戲甚非以示觀聽而肅人心也而不但此也此交彼代茫無整頓之期送舊迎新徒多騷騷之患根本重地豈宜如此且皇上亦知通道之久缺乎自胡福宏五月去後中間張春在通一月止了應酬參謁事虛無人者已五越月矣若再移易必另推補計其莅任知在何時臣坐鎮一城之外皆若秦越非如他鎮諸道錯峙足委代庖可更不可更可曠不可曠聖明穆然深思必有以處此也伏乞勅下部議立覆施行奉聖旨王凝祚已有前旨著速赴永平料理通州道臣原係暫設不必推補該部知道

郊祀扈蹕疏

題爲恭逢郊祀大典謹報移師以衛聖駕事節屬秋分恭遇皇上
乾坤正氣集

卷三百六十

七

肇祀夕月壇維時天朗氣清遠聞蕭籥時和歲稔用薦休徵以洽神人式瞻中外太平盛事莫明備於此矣臣竊跡東郊翹心西時遙想闔闔宏開重輪煥彩方且萬靈呵護百辟趨蹌莫不共效駘奔之誠以壯龍鑾之色如臣職在詰戎分當屬囊未能瞻仰末光先望舒而引曜猶幸遭逢曠典同蓐收以清塵謹督同鎮臣李國禎統兵三千遙扈清蹕臣又伏念當此築場未竣仍須擇地爲營當令車馬繽紛不礙田疇蕃茂庶幾六飛靖謐兼看四野歌呼則臣所爲仰體皇上敬天恤民之意而肅將從事者也

覈覆兵馬錢糧兼陳掛號疏

題爲循例覈覆兵馬錢糧兼陳權宜掛號以便奉行事據管餉運主事臣林宏衍呈送季奏通鎮兵馬錢糧文冊到臣該臣提取監軍道臣掛號文冊比對無異謹遵前例一面將文冊咨送部科外

特此先行奏聞外有掛號一事爲覈查所關不得不酌權宜者今天下錢糧掛號皆繇道臣以各營兵馬逐月消長故其支餉必經風憲之臣一一查實然後掛號會送餉臣餉臣照號給發卽督撫覆覈亦取道冊爲主以餉冊爲符通鎮向來相沿非一日矣近奉明旨以道係新裁罷不復設而掛號遂苦無人臣與諸臣議欲歸之密道則往返二三百里旣主兵不便覈援兵不便待矣欲歸之鎮臣則自造自查不便欲歸之餉臣則自查自放不便欲歸之臣自覈自覆又不便而法於是乎窮臣以錢糧互相覺察則弊難容一有滲漏則蠹易起於無法中尋法無已則暫委州官乎彼其人猶是科目就通之地按通之兵以通之官稽通之餉庶乎其可行也若以有司事權不重則禁扣尅防虛曠臣一切任之但使掛號餉臣得據之以度支臣得據之以綜覈較於三者猶似爲便窮而

乾坤正氣集

卷三百六

三

思變不得不然伏乞勅下戶部議覆施行奉聖旨酌議速覆

范文忠集卷四

明范景文著

涇縣潘錫恩校

恭報公費繕器疏

題爲恭報公費繕器以祈聖鑒事臣奉命出鎮之後該戶部覆題營制已定一疏奉聖旨兩鎮拱衛京都士馬芻糧自當早計以資飽騰若公費聽用名色俱裁減以古名臣身先士卒下同甘苦自處今旣經酌定姑准支給還各汰冗節浮積盈補虛以供繕器買馬之用欽此欽遵臣拳拳服膺皇上旣頒賜予以養廉復勤訓迪以教忠感恩佩德寧敢有所隕越況夫飲冰自砥約已奉公所自盟者素矣除馬匹請之同寺無須市賣外惟是器械一節額銀萬五千耳軍中所需千頭百緒欲以器就銀而器不足欲以銀就器而銀不足臣開局打造差官冶鑄皆取給部銀乃復出公費另作

乾坤正氣集

卷三百六十一

一

修繕一項或飾舊或整新專責一官以董其事若砲若鎗若刀斧共成三千四百餘件與局製相爲輝映至於兵書戰策所載術士劍客所傳軍火秘器堪備攻守之用者皆令製一以備掌故之遺於是充牣庫藏布滿行陣而器不可勝用矣此外餘鏹遂以盡供城臺版築而雙臺屹峙五兵森列乃可借手以報皇上也緣臣原籍距通盈盈衣帶水日用所需一航載至無須重煩公廩惟是聖主曲體臣下涓滴皆恩始也不敢固辭以虛明貺旣也不敢妄費以愆明訓區區犬馬不過以公家之財了公家之事而何有焉謹將繕過器數造冊徑送工部備查謹具疏以聞奉旨據奏節存公費繕器築臺范景文具見急公知道了該部知道

慶賀萬壽疏

奏爲慶賀事恭逢萬壽聖節臣不勝歡忭謹率闔鎮官員將吏陞

闕叩頭具疏稱賀者恭惟皇帝陛下恩翔九有道奉三無五行在手翰旋生運不息四德隨心含育貞下起元應十二月成物以周天肇八千歲爲春而始旦一人有道懋膺五福之疇四海同熙共祝萬年之算臣馳驅再歲瞻望五雲值虹流電繞之辰遙想天顏有喜獻海晏河清之頌欣歌國運方隆衍祿位名壽以無疆鞏社稷河山而永固

請告初疏

奏爲臣病難支思親更迫懇祈天恩允放以保餘生以盡子情事臣孱弱庸庸無所當於任使荷蒙聖恩忘其不勝而令之詰戎於通臣感激知遇亦自忘其不勝也而竭知盡愚以期效區區在鎮一年十月矣仗皇上之靈獲有寧謐臣少追於罪戾今福過災生仰負恩眷能以苦切至情籲天上控乎臣秉質原虛向來節齋

乾坤正氣集

卷三百六十一

二

僅得不仆前年入援冒風觸雪爾時急難之切不遑自惜而膝理受傷遂成痼疾風嗽之證遇寒輒發至今冬而劇入臘連昏達曉至不停聲食下咽旣難藥入口旋吐臣猶勉事醫藥不敢煩瀆至尊頃接家報臣父聞臣抱恙日夕憂惶至減七箸詢其病狀視臣更危急望臣歸眼幾欲穿臣一開函血淚潑然夫父旣思臣而病病當益甚臣旣病而思父病何能堪此時性命之憂猶覺爲小而方寸已亂或誤疆事則臣罪大矣伏祈聖慈憐臣至情特允放歸少蘇病骨并慰親懷將臣父子之生皆皇上再造頂戴高厚何有極也臣無任激切懇籲待命之至崇禎四年十二月二十五日上奉聖旨范景文奉命督鎮著遵屢旨安意料理不得輕有陳請該部知道

請告再疏

奏爲臣病調理日久痊可無期仰懇天慈以祈矜憐允故事臣於崇禎五年正月十六日准吏部咨爲臣病難支一疏奉聖旨范景文奉命督鎮著遵屢旨安意料理不得輕有陳請該部知道欽此欽遵移咨到臣臣卽時恭設香案力疾扶掖望闕叩頭外感悚之餘凜茲天語敢不黽勉以仰承明命顧臣莅鎮二年於茲矣凡當料理者業已盡瘁從事不遺餘力故前歲冬脇痛勢在瀕危昨歲初冬下血勢又瀕危以時正枕戈忍死不敢以病聞卽十一月內病嗽不食者數日涿兵調通力疾點汰事畢暈絕退而不省人事者一晝夜然猶延至逼歲乃始籲天則臣之陳請非敢輕矣凡人

之病皆可醫藥自輔抑情自遣而臣之病則以憂親而起病因愁生愁彌增病故前之減餐者今則每數日不食矣前之少眠者今則每達旦不寐矣前之痰嗽今連聲不絕且中帶血絲矣以致元

乾坤正氣集

卷三百六十一

三

氣日虛肢體日削喘逆怔忡諸證雜作日起惘惘如有所失強一翻閱文書氣息輒復不屬頃千里延醫束手無策以爲病家進退驗之冬春之交此時不愈療治更難臣始錯愕嘆嗟而不復望生

生之者亦惟我皇上耳臣受皇上簡任隆恩誓竭踵頂以圖報稱乃事劇不敢言時危不敢言今通兵日供調遣壁壘半虛似亦無所煩督治爲者贅厖當裁非圖弛卸亦可諒臣心事矣伏乞天慈矜憐卽允休致此後未盡之年皆皇上再生之賜雖骨化形銷無非銜環結草之日也臣無任激切待命之至崇禎五年正月二十二日上奉聖旨督鎮重寄范景文宜遵旨用心任事何得屢以病

請該部知道

請告三疏

奏爲親病身病相關益迫瀝血冒死懇恩速放以救臣父子之命

事臣初因身病親病具疏祈休蒙恩未允嗣傳臣父疾少瘥再疏
止以臣病爲言伏枕候命頃家童至自原籍云臣父前病復發醫
藥不入命在旦夕曠曠不能作書但口囑令臣速歸一面遲恐不
能待也臣病中聞言卽時驚痛嘔血暈絕家人急救半日而甦緣
臣父待臣歸而永訣臣病勢又將不能留父而永辭皇上矣方寸
迷亂諸務不能思綜止有忠孝二字耿耿未昧蓋身原無病而故
假託以圖弛卸皇上必不容此不忠之臣以彰明法乃親實有病
而猶忍心以戀位祿皇上亦寧容此不孝之子以玷聖朝此所以
萬不得已而復冒死以遞披於聖明之前也伏惟聖恩鑒原允放
臣歸卽不能留父之命猶得送親之終少盡烏私若未填溝壑異
日尙得蹇蹶以報主恩於萬一也臣有心可剖無淚可揮語促情
窮一字一血不勝哀懇激切待命之至崇禎五年正月二十九日
乾坤正氣集 卷三 卅一

四

上奉聖旨已有旨了該部知道

請告四疏

此

奏爲臣心甚苦臣計已窮再祈天慈俯垂矜憐事臣接卹報該臣
奏爲臣病調理日久一疏奉聖旨督鎮重寄范景文宜遵旨用心
任事何得屢以病請該部知道欽此又臣奏爲親病身病相關益
迫一疏奉聖旨已有旨了該部知道欽此欽遵臣設香案扶掖叩
頭謝恩外伏念臣才庸體病何修而叨皇上惓惓不棄若此感茲
慈眷彌覺恩重身輕捐糜不足明報稱寧復再忍言去但皇上猶
天也痛則呼天一腔血誠非聖明誰其憐之乎臣係獨子與臣父
相倚爲命從未別以經年今役行間者三載矣向來兩地相牽日
夜悵望時傳安好猶難信耳一聞違和何以爲懷情急籲呼豈得
已哉臣倉皇拜疏後一面遣人問狀回傳臣父以驚切震鄰心勞

倚閭積鬱沉疴已歷數月不解入春復感瘟疫腫發頭面番使來勢殆綿懈手不能書目不能視但喉間微微作聲促臣速來以圖一訣闔家環泣罔知所措嗣幸越宿汗出火邪小退而元氣則鑠銷欲盡奄奄牀褥今尚無起色也夫望七類齡原屬風燈難保載經危證又似霜葉易零此後調理之難倍於攻伐而臣兄弟終鮮母氏先亡湯藥誰嘗起居誰省迴念垂白老親形影自弔臣能鐵作腸肝乎憶向癸亥之歲臣方以驗封休沐里居臣父宦遊吳興傳聞抱恙臣介馬而馳十日行三千里往視昨聞報時恨亦不能縮地奮飛而獨以受命治兵擅離有禁寧忍痛茹悲不敢稍一隕越明法惟朝夕長號腸已斷心已碎將吏無不見且憐也臣念臣之所自致者身而身已憊矣臣之所自盡者心而心已亂矣亦何能據籌策竭股肱以少裨疆場乎上縱不爲臣獨不爲封疆一乾坤正氣集

卷三十一

五

動念乎皇上憐而放臣臣父子荷皇上再造生生世世誓不敢忘卽不然或請假一月恩准歸省臣鄉距通六七百里往返不過數日今春和冰泮寥寥數兵暫付鎮臣代理臣得歸而少盡烏鳥之私將出而復竭犬馬之報想聖明亦所不靳也臣不勝哀懇激切待命之至崇禎五年二月初八日上十三日奉聖旨范景文屢旨諭留覽奏情詞甚切准與回籍該部知道

恭謝天恩疏

奏爲恭謝天恩事崇禎五年二月十四日臣接邸報該臣奏爲臣心甚苦等事奉聖旨范景文屢旨諭留覽奏情詞甚切准與回籍該部知道欽此欽遵痛念臣因父病三疏乞歸未蒙俞允嗣聞垂危情急不得已而以假請區區此心謂卽不得盡一日之養尚可圖一面之訣也不意臣積罪崇深禍延臣父於本月初八日在籍

身故訃至之日臣絕而甦甦而絕者數矣在疚中違荷聖恩矜放捧讀天綸不覺感泣而繼之以血也卽當仰遵明旨奔跣而南臣原無地方錢糧之責兵馬千餘各有將領其勅諭符驗旗牌關防容臣另疏進繳恭設香案叩頭謝恩外理合具奏以聞崇禎五年二月十五日上二十日奉聖旨覽奏謝知道了該部知道

留銀修城疏

題爲城工有緒心切圖成謹留節存銀兩以完前功以畢愚衷事臣惟軍中之事戰與守而已戰者恃人守者恃地而地何所恃則深溝高壘是也念通爲積貯儲峙藩屏神京地之重何如者臣初莅鎮勘閱見舊城做壞問之幾十年不修矣爾時卽有版築之意而權輿工用度費不貲去任知州盧承業請發萬金猶恐不敷尋復奏繳而罷然臣空手雖難觀成而嘔心蚤已夙畫一年來胸中

乾坤正氣集

卷三百六

六

不知幾迴環矣及登陴飭守覩茲頽堞敗墉不惟難以當攻衝而駐立無地捍禦且不能施殊用心凜臣遂不度力思與臺功并建也因出貲募匠乘隙鳩工補缺峻圯於一月之間三面已竣百雉爲增蕩蕩不可上而人有固志矣但是役也未會請輒止於壘上然不行砌結終難經久雨水霖蝕前功不仍棄乎臣擬春和始終其事而不意孽重召殃聞憂以去夫人臣計封疆在任爲之去而置之非忠也故此城一處不完則臣事未了此工一日不竣則臣心不安臣觀知州李一爵勤廉有幹力能辦此所苦者錢糧耳臣原積各項以備此工之用者一爲製器原領工部銀製過器械剩一千七百三十兩有奇一爲操賞小盡曠銀已經題作操賞除用過外存五百三十兩有奇一爲節省臣各項搜剔樽節及州官呈報贖銀一千三十八兩有奇一爲鹽菜修城班軍戶部如例准給

及臨時截日扣存二百二十四兩九錢八分七釐九毫九絲見今分貯餉司州庫以之辦料充然有餘使州官悉力爲之而營衛協助夫力可望不日之成從此糧儲重地永固金湯孤臣去國一念惓惓庶可仰答萬一乎伏祈勅下該部議覆施行奉聖旨該部卽與議覆

請卹疏

奏爲微臣將父不遑先臣急公可念伏祈天恩照例賜卹以光泉壤事切臣夙服庭訓每以忠孝爲兢兢自受皇上督鎮之命日夕盡瘁業以忘身自矢矣而所耿耿不能忘者惟是明發一念頃因臣父永年在籍抱病痛關嚙指灑血陳情四疏始蒙恩允而臣父不及待矣此自臣罪大孽深逢天降割夫復何言徒跣南奔得入里門憑棺慟絕屢獲乃甦細詢臣父病中諸狀始知向來倚閭心

乾坤正氣集

卷三百六十一

七

勞寢疾日久而獨秘不令臣知書信往來詭傳安好及家人見勢沈危密使來通猶從枕上強起止之曰兒受皇上簡委封疆之任寧可以此分其內顧臣一聞言五中摧裂念臣旣不能代先臣以終報皇上又不能將君命以永訣先臣慚負天地眞爲戮民思所以賁黃壤耀白日使臣父雖死猶生而臣生可不死者惟恃有明恩在然臣不敢以私請也按會典一款在京三品四品父母喪曾授封贈及致仕者各照品級造墳安葬又卹典條例一款遇有軍功祭葬三品未滿得及其父母臣父原任南寧知府以禮致仕誥封都察院右僉都御史以恩詔進階大中大夫其履歷在吏部可查也臣先撫豫星馳入衛被命守涿又奉旨范景文馭兵有法事平併敘守昌兩月陵寢晏然守通二年漕運無梗在通修城臺飭兵伍製器省銀二千四百餘兩募兵省一萬六千五百餘兩節經

題奏其案卷在各部可查也總之臣三載馳驅所經歷皆軍中也三鎮防勦所指縱皆軍功也卽臣之不遑將父子歸而未得卽歸亦因軍事也時方多故旣遺家念以報主仁宏錫類須借君恩以榮親聖主體下當不靳一憐而卹之乎臣又按會典一款四品以上官其父母曾授本等封贈者先後病故祭得因後并及其先臣母誥贈恭人馬氏見背六年尙殯淺土今將與先臣合壙若不得并沾浩蕩如人子之心何臣查有湖廣巡撫都察院右僉都御史陞兵部右侍郎張翀山西巡撫都察院右副都御史陞兵部右侍郎李景元事例可相援比二臣皆陞未任臣實歷左侍郎二年抑又過之伏祈勅下該部查例覆請准予應得祭葬庶龍綸一煥烏私可伸教孝作忠一以寓之矣臣不勝哀籲待命之至奉聖旨該部查例具覆

乾坤正氣集

卷三百六十一

八

謝卹疏

奏爲恭謝天恩事該臣以臣父原任廣西南寧府知府誥封都察院右僉都御史晉階大中大夫范永年病故奏乞卹典奉聖旨該部查例具覆禮部題覆奉聖旨准照例與祭一壇減半造葬馬氏并祭欽此隨該河間府知府石文器前來諭祭本府給與葬價夫匠銀一百五十兩臣謹叩頭祇領如式造葬訖不勝感激不勝哀痛伏念臣四疏子歸三年行役罪多功少幸見宥於明君累重孽深乃貽災於嚴父久違晨夕空傷徐庶之心永隔幽明祇抱臯魚之痛拊心而呼厚地幾思泉下相從灑血以叫重闕何期雲邊忽下如綸如綍載煥龍章若斧若坊遂光馬鬣照元扇而不夜賁幽魄以如生颯颯几筵儼靈風之來集熒熒苦塊轉雨泣之橫流仰承及骨之仁俯切銘心之戴追念馳驅多事馬革未酬唯傷含斂

無能烏啼欲絕終天抱恨覺蓋載以難容奕世銜恩兼哀榮之備至九原可作頓紓風木之悲七尺尙存敢忘犬馬之報願同薄海共祝如天臣無任瞻依頂戴之至

辭南憲疏

爲風紀重任難勝揣力不堪就列懇祈天恩俯准辭免以重臺綱以安愚分事該臣於原籍接吏部咨爲缺官事奉聖旨范景文起陞南京都察院右都御史欽此臣聞命自天不勝感激不勝悚惶伏念臣器資庸陋學術淺疎守徒硜硜而未達平方材實衰而難適於用故廿年登籍家食之日爲多而三載席苦生人之理已盡日惟閉門將攝以延殘息擊壤詠歌以樂聖化於願畢矣忽聞寵命被及幽巖俾之領袖臺班紀綱南國顧此特達之知迴出夢想之外淵隕冰兢罔知所措切思柏臺爲風憲之地而陪京乃清乾坤正氣集

卷三十一

九

議攸關位次六卿階隆獨座如此清要豈易稱塞卽如傅淑訓資望數倍於臣臣方遜謝不及而何敢以糠粃先之清夜循省逡巡難前實懼仰負殊遇非徒俯明素志已也爲此披瀝伏祈聖鑒收回成命別簡才賢益增憲席之重稍追負乘之議矣

飭屬疏

南樞稿

南京兵部尙書臣范景文謹題爲敬陳飭屬之要以肅邦政之規事臣才識謏庸素聞軍旅猥以時急明冒隆恩控辭未遂再荷溫綸受命飲冰敢不勉竭駑鈍以報高厚惟是留都根本之地機務維繫之司平時不易肩承今日更恐隕越將卒之驕媮久著營伍之廢弛日深若不徹底澄清力爲振飭以居重馭輕之師等芻偶搏搃之戲其何以鞏護豐鎬奠安東南哉願受皇上非常之簡命者臣也有智可竭有力可盡不敢不盡瘁從事以仰答知遇然臣

所分猷共理者諸司臣也必同心戮力克効匡襄豈惟人各自豎
并以佐臣不違特絜大端共圖龜勉正本澄源臣請身先而所責
成於諸司臣者有五一日清周官六計首重以廉操履不清他節
莫績故非守嚴一介何以釐剔百奸不惟暮金暗投大犯清議卽
有常例交際亦玷官箴賢者自好各愛其鼎豈肯蹈陋轍以爲身
名之玷也一日公南樞雖無北部之升除然各營官評則有殿最
各衛選補則有去留愛憎起而賢否淆請託解而虛冒熾何以服
人心而消譁詬也故必勿狂恩怨勿徇喜怒可與天知可與人言
其庶幾乎一日嚴火烈人畏水懦人溺泄軍行法益難寬假當此
人情營競私意窺闚故必冷面似鐵執法如山姑息情緣盡行祛
戢除入署詰戎之外務須息交絕遊以防關通所屬弁官尤不許
私有往來以疎防表一日密兵詭道也必以機密行之不密害成

乾坤正氣集

卷三十三

十

斯爲炯戒不有謀之窟室漏之屬垣者乎凡酒食醉飽之間僕使
胥役之際稍洩針芒便成鑿空筆虛蠅傳堤防蟻潰尤宜慎之尤
慎者矣一日勤精敏則神助聞甘卽魔生智以探討而通力以鞭
策而奮不梗梗蹶蹶以立功而顧悠悠忽忽以玩日棄身所以誤
國矣况救民水火之日正臥嘗薪膽之秋退食猶屬焦思在公豈
容懈體尙其靖共爾位頂踵俱捐也乎以上五款臣非求多於諸
臣而實痛感乎時事如抉盲者必用銳如起痿者必用砭藥不瞋
眩厥疾不瘳瑟不更張厥聲不振云爾臣自蒞任已宿部中却饋
遺絕交遊而自飭以飭屬故又叮嚀告誡如此倘臣言自背無辭
於皇上之明法諸臣若遵行不力臣一奉皇上之明法以從事慝
血而言言止此矣奉聖旨覽卿奏諸款自是服官軌範樞司尤宜
恪守還務身先帥屬以副重寄該部知道

附五箴

清箴

周官六計挈廉爲貴山泉寂清市泉浼穢乞盜忍渴顧名生畏勿謂無知夜金可媚高高鳳儀聖世靈瑞竹食醴飲先潔其喙鳶嚇腐鼠是乃失類蟻隙不窒大防終潰一介是嚴百奸可墜微臣作箴敢告庶位

公箴

在下曷奉奉三無私無私乃公子何準之天空斯明毋主恫疑地博斯容毋賈敷施日照月臨肯黠纖疵江海灑滂萬艘風馳鳴鳩惻怛七子均肥豈伊失倫揆材是宜偕于大道權衡在茲微臣作箴敢告攸司

嚴箴

乾坤正氣集

卷三百六十一

十一

火烈多畏水柔易溺家賴嚴君孚威受式國賴嚴臣荆榛萎植彥方良士在幽敦飭彼偷革心不寒而慄凡百君子毋恒毀則影也響也實來僭恩維我高皇謨訓翼翼敢以猷皦而殄章赫微臣作箴敢告朋職

密箴

成敗之故匪夕伊朝不密害成炯訓爰標鍼芒示漏全體受捐善謀善意如風鼓簫謀弛營壘意張鏡梟口能興戎實維禍挑如古之人用晦于昭阿柄陰握獄立不搖寶此嗇蓄填彼麤翹微臣作箴敢告官寮

勤箴

瞿瞿良士職思其居豈以服官顧可偷媮朝講夕計晝夜罔虛華靡祿位匪供熙娛嗜音甘酒而憚於劬王事靡盬不承權輿惕日

視陰曷永其譽鞠躬盡瘁古訓何如勉維靖共景福是攄微臣作
箴敢告匡舊

撫賊未可輕信疏

臣謹疏據職方清吏司案呈本部於七月連接提塘官吳夢禛報
稱流賊八大王於襄陽等處與小民兩相交易開局打造軍器又
每日置造戰船積至百有餘號等情據此已經移咨總理密察情
形撫勦互用須防意外毋墮設中并咨江楚鳳應皖操各撫嚴檄
所屬鎮道府縣緊要處所防備去後相應具題等因到部臣查得
流寇蹂躪中原十載於茲矣皇上銳意蕩平以撻伐之柄屬於理
臣熊文燦十二萬之兵二百餘萬之餉不惜竭海內民力九邊兵
力供其指揮原欲摧陷廓清洗而空之非令一撫叅彼苞蘖為苟
且計也從來治盜之法曰勦曰撫權可兼行勢難偏廢誰不知之
乾坤正氣集

卷三十五

七

但勦而後撫求撫在彼而權在我不勦而撫求撫在我而權在彼
權在我可操縱自在權在彼則叛服不常且撫之不效已非一矣
此撫彼叛朝撫暮叛外撫中叛非撫事之局變無法勦之以制其
死命耳今楚賊張獻忠據理臣初疏以為正切輸誠終無異志矣
果如所言便宜解散徒黨賣劍賣刀安意耕耘即使隨營効力亦
宜卷甲韜戈靜聽調遣乃人不散隊械不去身分食於地資貨於
商據陸而復問水市馬而復造舟道路流傳更有不堪言者此其
逆萌叵測伺隙狂逞豈獨智者知乎理臣身任撫局或當服舍之
間別有駕馭法不至以賊遣君父憂然而當局易迷偏聽不察倘
養癰一潰破浪乘風加以江北旱蝗流亡載道飢寒之徒易於響
應決裂請張噬臍豈有及乎臣已密布文告恣飭江流俟其來時
以計殲之而猶恐千里長江處處可乘順流橫渡皆不可知且賊

狡智多端眞僞難辨人扮估客船作商舶白衣搖櫓猝發一旦可不爲預防乎伏祈皇上嚴飭理臣旣任勦何以勦之不力兼任撫何以撫之鮮終收局於已殘彌患於末著寧使臣言之太過疆事尙亦有利焉并勅楚江應鳳皖操各撫嚴督道鎮府縣各官置艦練兵遠探密哨節節布置多方預防再行關使設法稽查商民船隻分編字號毋使乘隙潛窺或調水師一旅扼之江楚中間以伐狡謀想廟堂必計之早也伏祈聖裁疏上得旨該部看議具奏

謹論當存人材可惜疏

竊臣等待罪南國碌碌班行不能有所建明以仰禪聖治日懷慚悚惟於邸報中仰見皇上瑩精化理側席求賢夜寐夙興急欲躋世三代之上而流寇焰熾不能卽慰一人之心頃者枚卜之舉廣諮博訪至下霽天光曲垂清問特簡五臣俾以爰立求之如此其

乾坤正氣集

卷三百六

七

誠擇之如此其慎也而兵部尙書楊嗣昌忽從墨緣首膺白麻想因從前綸扉無習軍旅之人以彼久歷巖疆曉暢邊情必能雪恥除凶立定大計天下無不亮皇上不得已而用之心者輔臣自起家筦樞以及秉政封事縷上頻以終制爲請情辭惻然聲淚俱下終惕天言遂巡就列其不得已而應之心天下亦多亮之乃詞臣黃道周等執義廷諍不憚再三以至仰干宸嚴卒無迴避或謂輔臣昔日奪情尙可據金革以爲言至於今則未有處也亦豈得已而爭之哉一時羣議咸快主聖臣直於今再見皇上必且欣然嘉納蓋惜材濟急不妨通一時之權而立法垂世仍當存萬世之經聽言用人總屬朝廷並行不悖孰敢弗服乃伏奉嚴綸黃道周降六級調外任矣何楷降二級調別衙門矣林蘭友補任降級矣劉同升趙士春俱各降三級調外任矣天下乃始徬徨疑惑不勝私

憂過計蓋以難得而易失者人材也難振而易靡者士氣也光岳之所毓孕靈不常鍾祖宗之所培育用有時竭卽今以草土棘人置鼎元重地亦囚人材之難也如道周等有數人物用之猶懼其晚棄之何得其用乃推碩果遂嗟抱蔓此臣等所爲人材惜者也古云平居無直言敢諫之士臨事鮮仗節死義之臣凡以氣爲主在上長養之耳而用舍之間實關天下趨向諸臣之處在皇上聊示勸懲益神磨勵猶恐見聞不察遂謂朝廷有意厭棄直節必且習成頑鈍脂韋成風毀方千進亦豈國家利耶則臣等所爲士氣慮者也皇上神明天縱獨觀萬化之原豈其念不及此所以然者不過安輔臣之心欲得其用耳臣等以爲容之則輔臣之心更安何也輔臣淹貫古今儼以豪傑自負亦知夫違清議摧人望則必不能出而有爲卽昨連疏剖心欲明孺慕於天下平臺召對力救

乾坤正氣集

卷三十一

十四

道周胸中所存具可想見容言者則輔臣之心以白罪言者則諸臣之名益彰故曰容之所以安之也且獨不觀之往事乎宋唐介極詆文彥博彥博乃請召還唐介故介之名終不高於彥博則今日輔臣之所以自待與皇上之所以待輔臣從可知矣以臣所聞道周立志欲法古人學問卓有原本而清風頑懦識洞天人忠義凜然實有堯舜吾君之思何楷林蘭友皆剛腸勁骨百折不迴鳳鳴梧桐一時稱爲國瑞劉同升趙士春忠孝家傳蔚爲時棟曾經帝心親簡不愧科名海內咸服得人之數臣者孤忠自許獨立敢言不識忌諱何有依傍聖明或亦鑒其無他耶雖其持論不無過激稍嫌於愾然漢廷稱愾者莫如汲黯而淮南寢謀卒賴其愾如公孫宏乃發蒙振落耳則用舍之間可慎乎以人事君人臣極軌輔臣職在贊襄諒必極力推援以昭意表於行事故願皇上終爲

輔臣地以宥諸臣也竊臣等叨在九列誼難三緘謹此合詞披瀝上請伏祈聖明裁察臣不勝惶悚激切待命之至奉聖旨大臣當絕私奉公尊君體國何乃傳會邀名玩視屢旨撫拾合瀆明屬朋謀把持其主稿的是何人著范景文明白具奏該部知道

謹論當存復疏

奏爲遵旨明白具奏事臣等於八月十三日具有謹論當存等事一疏頃於十月十九日接吏部咨奉聖旨大臣當絕私奉公尊君體國何乃傳會邀名玩視屢旨撫拾合瀆明屬朋謀把持其主稿的是何人著范景文明白具奏該部知道欽此欽遵移咨到臣臣跪誦明綸戰慄無地魂魄少定感激倍深臣愚戇性成干冒宸嚴自揣斧鉞萬無可辭乃蒙皇上廣示包容曲垂訓迪豈敢飾臆匿衷不以實控伏念臣等備員九列誼當遇事納忠非僅營一職遂

乾坤正氣集

卷三十六

五

稱報塞如輔臣嗣昌奪情起復皇上因流寇未平不得已而借材原屬一時權宜而輔臣以金革之事無避難始而握樞繼而秉成一時諸臣引誼相裁而臣等仰讀詔諭諄切恪遵明旨無敢傳會瀆陳兢兢然庶幾自附於尊君體國之義矣惟是黃道周等以體疏執爭致蒙譴謫雖抑揚進退在聖明原屬磨勵之權而中外人心未喻淵微成爲五臣惜卽輔臣身在中猶極力解救臣等若坐視隱忍知無不言之謂何維時南中諸臣心有同然以爲申救道周等明旨未嘗飭及人材可惜大體所關當以公言之臣叨任參贊班行居首因齋沐屬藁以示諸臣諸臣皆以爲可遂疏名列奏祈皇上有孤直而安輔臣此當日之實情實事也臣旣拜疏旬日以後得接文華召對始知皇上稱道周操守又云才亦可愛然則道周砥礪生平久孚帝鑑臣等瞽說何裨高深祇因抄傳到遲

以致多此贅語含慚引咎無地自容耳竊念臣北鄙豎儒從來無黨況於道周等鮮半面之識止知爲朝廷留一人得一人之用豈敢徇私撫拾仰負隆恩致干明法哉臣等跼伏南國玉階遠隔今聆聖訓彌切服膺若復稍隕越以爲明主羞真斧鑕之所不貸矣適以寇難內訂料理師徒夙夜傍徨語無倫次又不敢久稽回奏以重愆戾謹此明白具奏并行認罪乞恩惟有束身席藁靜聽處分而已臣不勝戰慄待罪之至奉聖旨朝廷用舍大柄豈容倒持黃道周諭旨甚晰范景文何乃倡衆黨庇著該部院議處具奏

革職謝恩疏

爲恭謝天恩事該臣於邸報中見吏部一本爲遵旨明白具奏事奉聖旨范景文植黨庇私沾名倡黨大臣體國之誼安在著革了職爲民其餘姑不究員缺速推堪任的來用欽此欽遵伏念臣聞乾坤正氣集卷三十一不知機慝惟任性四年拮据空餘報國之忱二豎牽纏愧乏匡時之略據其負乘之讐久應幽黜之條仰蒙皇上廣示涵容俯垂寬貸姑繩微罪止究多言列之編氓弛於擔負自天而聆綸綍如夢得醒伏地而省愆尤通身是汗黨非盛世所有名豈臣子可居臣卽顛愚寧敢故蹈良繇或深莫解識昧括囊以致福過災生罰從褫帶彌知誼重自覺身輕臣罪當誅妄欲移山填海君恩甚渥何殊厚地高天從茲鑿井耕田歌詠總歸帝德兼以補劓息刑頂踵具感生成不盡銘心願言沒齒謹於日辭陵恭設香案北望叩頭謝恩外臣無任悚息瞻依之至奉聖旨該部知道

遺疏

大學士臣范景文謹奏爲孤臣盡節情切戀主事切臣猥以虛庸仰蒙特簡自矢竭忠攄蓋以報隆恩而受命之日卽值太原告陷

大厦已傾隻手難支負乘致寇臣罪萬千迨賊既薄都臣力主聯
絡人心堅守待援乃十九之夜翠華一移衆心遂亂力盡難施惟
有一死以報皇上而已惟皇上以可爲堯舜之君而令出唐德宋
高之舉固自多難殷憂運數使然而誰爲爲之能不痛恨於悞國
之奸也哉伏祈法湯改過如周維新親賢遠奸以用人輕徭薄賦
以撫民憤發精神鼓舞忠義蚤圖恢復重還故都立成中興大業
臣雖死之日猶生之年不勝泣涕依戀之至崇禎十七年三月十
九日

濮州周士元

附識贖東昌存稿

周士元品地高明材猷詳練三載之釐剔狐鼠穴清兩地之沾濡
甘裳蔭茂誠爲廉善允矣循良正宜共濟仔肩何期典思嘉邇據
彼情關屺岵誰云慎爾優游因而病入膏肓果難愈以旦夕援弗
乾坤正氣集

卷三百六十一

七

能止倦而欲還與其絜之進退之間徒鬱其心何若予以高尚之
名用成其志但其賢聲懋著志行可嘉合無准今致仕仍加職銜
以示激勸又或念其年力方強許以病痊起用此則格外之遇統
惟上臺裁奪

王玉

王玉之與丁財富地相鄰而心相構者也王玉疑財富之竊豆也
借其父以詈財富之門則屈在王玉財富恨王玉之嚙罵也率其
子以毆王玉之父則屈在財富小忿不忍大家俱錯但非有不可
解之怨也奈何王玉輒以盜訟乎至於王玉以盜訟而州衙以盜
捕矣至於刁承恩之持票來而財富之三錢往矣無風起波致費
阿堵財富能無腐心於王玉哉夫言盜則無賊而王丁之毆罵眞
屬多事言賄則有據而承恩之索詐不可不懲並杖不枉

王民

王民之毆死高保也以木棍如是而傷合矣以味爽如是而財合矣以懼累閔囑之故如是而情合矣種種俱合則前之疑端不從此破後之死案不從此定乎此獄向當審錄參詳時職曾亦反覆致疑以其無證焉恐非真也今乃不動一刑滿口自招夫天下之真有過於自招者乎夫真見高保之命實死於王民之手而尙欲議釋焉非特心所不安亦法之所不敢出也不然屍親證佐今俱已化爲烏有釋之夫誰禁者但恐鵠亭有冤鬼而凶人漏吞舟也人命非輕妄爲鍛鍊固非宜過爲寬縱亦不可勘對再三訊服無詞今而後庶乎其不冤矣仍照原擬解奪

王家瑞

王家瑞假燒香以避差徭葉時新甘受寄以肆影射王春融入室乾坤正氣集

卷三百六十一

文

中而攫取所有劉希元因搬運而乾沒亦多均爲有罪前審已當矣但春融家瑞情關叔姪而避差構訟雖是偷俗終當和息惟時新以青衿而干預人事真有玷士風褊巾始足正法彼希元何人乃又無故駕此大詞乎夥盜詐銀之語了不相蒙亦大誑矣看來王氏叔姪相爭盡此輩無恥者爲之交構其間在時新爲家瑞塾師則左袒家瑞在希元爲春融佃戶則左袒春融致令起無風之波傾人家敗人產而中乃爲所欲爲真可痛恨若不盡法處此兩人則王氏之爭終未有了期也姑依後擬呈轉惜時新褊巾之外法無所加猶有遺恨耳

韓大學

韓大學之與王氏打是真打縊是真縊前審已明無容復議矣但縊而死也則王九卿身死之告不可謂之全虛也然死而縊也則

九卿打死之告又不可謂之盡實也以其告非全虛故不坐誣告而概從輕杖以其告非盡實故遵原告解審之批而止解九卿之一人焉今蒙憲駁仍將二犯俱解仰候清審蓋單解并解均之遵憲批也其罪姑照舊擬

李燦然

李燦然比狼之貪如狐之媚乘病官之矐瞶委轡不收引族黨爲腹心乘機肆詐如占田產占房屋貧者因而受虧如嚇庫吏嚇櫃頭富者由之飲恨至於解銀之剋除與夫工食之扣借又班班可數歷歷有憑真是借叢爲崇隨使眈眈者無人不取負隅莫禦由是汹汹者遍地皆然如此積蠹所當論配以儆貪縱者也若李榮廷假燦然之勢而當快手論賊滿貫亦當坐配李中廷假燦然之勢而應里書先己亡命仍應提結其賊分別給主入官解審定奪

乾坤正氣集

卷三百六十一

五

孔之升

大抵一縣每遇縣官委轡而奸人遂至蜂起如前恩縣以病瞶之後有大膽玩法侵盜庫藏者燕朝貴李燦然是也有從旁挾制肆情嚇詐者孔之升劉恩澤是也有因其盜者是眞挾者有據遂假之牽連多人巧張騙局者則盛可騰是也何一而非奸人哉總之朝貴新蒙憲訪正法而燦然又經馬院詳允應聽別案發落理難重科外而之升恩澤雖盜庫之告屬虛而嚇詐之情則實法宜按配至假詞網利之可騰若不一問其刁謊寧有已時哉相應俱照擬論徒其所開粘單唯關係燕李二犯者多眞餘俱風影應遵本院母得株連之批免究

吳氏

謀毆有准抵之例故殺無准抵之例如吳氏同母袁氏殺死吳邦

一案須辨其爲毆殺爲故殺而吳氏之生死決矣據其緣罵而稱惡似非深謀據其從旁而刀砍似非首惡固也然刀何物也而加之吳邦之身非故殺而持此耶賄番致死何事也而出之吳氏之口非故殺而發此耶卽投井自避亦事後膽之怯而卒無解於當時手之毒也至夫鄰人聽聞乃聞其斃邦後倉皇之狀非聞其兩相閔搆也若是果相閔鬪兩婦人豈制一壯男子若孤雛然明是出其不意一刀砍死非故殺而何耶此獄據兩人下手應坐謀殺然究之實先未有謀情特因其平日甘心之語偶爲吳邦道破吳氏遂不覺憤與俱合而必欲一刀爲快也雖未有謀而情則故矣律中謀毆例可准抵者謂原無殺人之心特毆之過重因而致死故共毆中有一死者遂足相抵情可無憾也乃吳氏則實有殺吳邦之心而袁氏豈能代吳氏之罪乎仍照原擬似不爲枉

乾坤正氣集

卷三百六十一

丁毓華

子

丁毓華幻若短狐貪如碩鼠業充探馬未幾也而又充快手充掾吏何一身而三役之互更旣騙馬頭不足也而且騙生員騙上舍胡專利而多人之受累他如扣領驛馬之工食橫索貢家之子錢種種多端纍纍難悉均屬肥己以瘠人豈念多藏而歛怨合擬徒配以戢暴懲貪斷令班銀分別入官給上

09972

